

IMAQARNILIAQ AIA - Aningaasaqarnermut Inuussutissarsionermullu Ataatsimiititaq 21-03-2023

Ulloq ataatsimiiffissaq Tirsdag 21. marts 2023 kl. 16:00

Ataatsimiiffissaq Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Nuummi Aalborg-ip ulloqartinnera 2023.....	7
Kulusummi qimussertartut peqatigiiffiannut tapiissuteqarneq.....	10
Imigassaq pillugu inatsisip Nuummi eqqortinneqarnera pillugu nakkutilliineq.....	12
Ukioq atuarfiusoq 2021/2022 atuarfiit ataatsimoorlutik Pitsaassuseq pillugu Nalunaarusiaat.....	16
Kalaallit Nunaanni Danmarkimilu ulloq unnuarlu paaqqinnittarfinniissinnaanermik neqerooruteqart	19
Immikkut ittumik ataasiaannartumik imigassallersinnaanermut akuersissummik qinnuteqaat.....	23
ESANI-mi immikkut ittumik ataatsimeersuarneq - kukkunersiuisumik toqqaaneq.....	25
Nuummi Kapisilinnilu 2023-mi upernaakkut ataatsimiitit ataatsumut angalanissaat.....	27
Kommunimut pilersaarummut tapiliussamut siunnersuut L9-1, Kiattua, Amitsuarsuk, Nuuk pillugu	30
Kommuneqarfik Sermersuumi sanaartornermut iluarsartuussinermullu aningaasaateqarfiup naatsors	33
Arctic Park.....	36
Meeqqat atuarfiini Mindfulness misiligummik suliniutaanissaanik allaaserinninneq.....	39
Kommunimut pilersaarummut tapiliussaq O10-1 Nunatarsuaq, Nuuk inaarutaasumik akuersissutigi	42
Kommunimut pilersaarummut tapiliussassatut siunnersuut, 1A3-3 Jens Kreutzmannip aqqutaa aam	47
Kommunimut pilersaarummut tapiliussaq 1A13-2 Qimerlua inaarutaasumik akuersissutigineqarner	50
Oqaluuserisassanut tapiliussaq: Suliffimmi atugassaritit pillugit Aaqqissuussaanermut Ineriartorti	53
Oqaluuserisassanut tapiliussaq: 2022-mi Nunaqarfinnut aningaasaliissutinit aningaasanik atorneqan	56
Oqaluuserisassanut tapiliussaq: Ataatsimeersuarneq Nuuk Imeq A/S 2023.....	59
Oqaluuserisassanut tapiliussaq: Kommuneqarfik Sermersuumi piginnaatitsinermik atsiorsinnaatitaa	62
Oqaluuserisassanut tapiliussaq: Ukiumoortumik naatsorsuutit 2022 – kukkunersiuisunut nassiussin	65
Lukket.....	68
Lukket.....	69
Lukket.....	70
Lukket.....	71
Lukket.....	72
Tamalaat.....	73
Imaqarniliap akuerineqarnera.....	74

IMMIKKOORTOQ .: Saqqaa

Ilaasortat

Avaaraq S. Olsen (IA) *siulittaasoq*

Juaaka Lyberth (IA)

Uju Petersen (IA)

Justus Hansen (D)

Ken Madsen (N)

Inga Dóra G. Markussen (S)

Dorthe-Marie Mogensen-Fontain (S)

Beslutning

Peqataasut:

Avaaraq Olsen (IA)

Juaaka Lyberth (IA)

Uju Petersen (IA)

Finn Karlsen (N)

Oqarasuaatikkut peqataasut:

Justus Hansen (D)

Inga Dóra G. Markussen (S)

Dorthe-Marie Mogensen-Fontain (S)

IMMIKKOORTOQ .: Oqaluuserisassat akuersissutigineqarneri

Beslutning

Oqaluuserisassani immikkoortoq 20 peerneqarpoq, ilanngussap kukkuneqara peqqutaalluni. Oqaluuserisassaq kingusinnerusukkut sammineqarumaarpoq.

Oqaluuserisassat akuersissutigineqarput.

IMMIKKOORTOQ .: Nalunaarutit

Beslutning

Borgmester Avaaraq Olsen-ip (IA) nalunaaruta

Sap. Ak. 5

2. feb.: Suliffeqarfik GNC ApS, aamma Brøndum A/S pulaarpakka.

Sap. Ak. 7

15. – 16. feb.: Sisimiuni PKG-miittut ataatsimiipput. Ataatsimiinnermi oqaluuserineqartut makkuupput:

- Kommunit suliaassanik nuussineq aamma kommunit ilusiligaanerit
- Ombudsmandip nalunaarusiaa 2022
- Nunaminertanik atugassiisarnernik digitalinngorsaaneq
- Cybersikkerhed
- Kommunit ataatmoortumik tapiissutinut isumaqatigiissuteqarnerup ingerlateqqinneqarnera
- Sakkussaq digitaliusoq ataatmoorussaqq pillugu ilisimatitsineq
- Nammineq meeqqanik paarsinermut tapiissutit (Kommuneqarfik Sermersooq)
- Siusinaartumik soraarnerussutisianut aningaasat atugassat aalajangersarneqarnerat (Kommuneqarfik Sermersooq)
- Avatangiisinut tunngasunik suliffissuarnut atugassatut erngup nukinga
- Pikkorissaanerit assannut kissalaartunut sammitinneqartut (Kommuneqarfik Sermersooq)

14. feb.: Naalakkersuisoq, Peter Olsen ataatsimeeqatigaara.

14. feb.: Borgmestereqatigiit ataatsimiippugut.

Sap. Ak. 8

21. feb.: Tasiilami najukkami ataatsimiitsitaq ataatsimeeqatigaara.

21. feb.: Suliffeqarfimmut Nukissiorfinnut pulaarneq.

23. feb.: Nunatta Nakorsaanaera Henrik L. Hansen, nunatsinni nakorsaqarniarnikkut pissutsit pillugit borgmesterinut saqqummiivoq.

Sap. Ak. 9

28. feb.: Ittoqqortoormiini Najukkami ataatsimiitsitaq ataatsimeeqatigaara.

3. - 5. marts: Nuuk Snow Festivalimi ammaanersiornermi oqalugiarpunga, ajugaasussanillu toqqaaniarnermi peqataallunga.

Sap. Ak. 10

7. marts: Naalakkersuisoq Mimi Karlsen, Tasiilami ulloq unnuarlu angerlarsimaffiit pillugit ataatsimeeqatigaara.

8. marts: Ulluunerani paaqqinnittarfik "Soralu" ammarneqarneraniit ukiut 15-it angummagit ullaakkorsioqatigiinnerannut peqataavunga.

11. marts: Nunatsinni ujakkaarluni pissartannorgniunnerit ammarlugit oqalugiartigaakka.

Sap. Ak. 11

13. marts: Nunatsinni Arctic Sportimik pissartannorgniunnerit ammarlugit oqalugiartigaakka.

15. marts: Arctic Umiaq Line A/S, Air Greenland A/S, Nuuk Water Taxi A/S, Kang Tourism ApS, Two Ravens ApS, Visit Greenland A/S-illu aqqissuussaannik Sarfaq Ittummut ilaalluta Nuup Kangerluani angalaarunneqarpugut. Takornarialerisut taakkununggalu attuumassuteqartut peqatigalugit ataatsimeeqatigiinnertalimmik angallanneqarluta.

16. marts: Nunaqarfimmi Aqutsisut siulittaasui ataatsimeeqatigaakka.

16. marts: Suliffeqarfimmut Tusassimut pulaarneq.

17. marts: Naalakkersuisoq Jess Svane, angerlarsimaffeqanngitsuuneq pillugu periusissialiarisimasartik saqqummiuppaa. Kommunitsinnilu angerlarsimaffeqanngitsunut iliuuseqarnitsinnut suliaata killiffianik ilisimatitsilluta.

Sap. Ak. 12

NSIP-p aaqjissuussaanik “Sulisartut inissiaat”-nik taasamik “Suleqatigiit/Arbejdsgruppe” ataatsimeeqatigiippugut.

IMMIKKOORTOQ 1: Nuummi Aalborg-ip ulloqartinnera 2023

Beslutning

Ilisimatitsissut tusaatissatut tiguneqarpoq.

Ilanngussat

Pilersaarusiaagallartoq

Aalborg Kommuniimiit peqataasussat allattorsimaffiani allaqqasuutinneqarallartut

Nuummi Aalborg-ip ulloqartinnera 2023

Ilisimatitsissut

SagsID: EMN-2023-00919

Suliffeqarfimmut Kiffartuussivik - kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsionermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Kommuneqarfik Sermersooq Aalborg Kommune-lu 2002-miilli illoqarfittut ikinngutigiiyttut suleqatigiipput, tassa pingaarnertut isumaqatigiissuteqarnikkut innuttaasut, kattuffiit suliffeqarfifillu akornanni ataqatigiinnerulernissaq nukittorsarneqassaaq kiisalu kommunini marluusuni siuariartornerup ineriartornerullu toqqammavissaliornissaa.

Aaqqissuussaq uteqqiattuvoq, ukioq allortarlugu pisartooq paarlakaattumillu Aalborgimi Nuummilu ingerlanneqartartoq. Nuummi Aalborg-ip ulloqartinnera kingullermi 2019-imi pivoq, kingornalu Nuuk ulloqartinneqarnera 2021-mi Aalborgimiilluni. Aaqqissuussaq Nuummi ingerlanneqaraangat Aalborgip ulloqartinneqarneranik taaneqartarpoq Aalborgimiikkaangallu Nuuk ulloqartinneqarneranik taaneqartarluni.

Taamatut aaqqissuussisarnerup siunertaraa, Aalborgip Nuullu ataqatigiinnerinik nukittorsaanissaq, aammalu Nuup Nunattalu ataatsimut isigalugu ilisimaneqarnerulersinneqarnissaat. Tamanna pisinnaavoq, ikinngutigiiit marluullutik kissaatigimmassuk ikinngutiminnut tunngasunik ilisimasaqarnerulernissaq aammalu kulturikkut, takornariaqarnikkut inuussutissarsiuteqarnikkullu ineriartortitseqatigiinnissaq.

Aaqqissuussami ulluni marlussinni politikkerinik inuussutissarsiortunillu tikeraarteqarnermik pinerusarpoq. Maannakkorpiaq ullunut taakkununga pilersaarutaagallartumik suliaqartoqarnikuuvoq, pilersaarutaallunilu 2023-mi ulluni aggustip 8-niit 11-annut ingerlanneqassasoq. Pilersaarut pingasoqiusaatinneqassaaq, kulturi, inuussutissarsiorneq politikkilu.

Qulequttat sorliit qitiutinneqassanersut suli aalajangernarneqanngilaq, taamaattorli matuma kinguliini taaneqartut allaffeqarfimmi eqqartorneqarlutik isumassarsiaagallarput;

Kommuneqarfik Sermersuumiit qulequtassatut isumassarsiaagallartut:

- Nuummi mittarfiup tallineratigut nutaamillu mittarfittaartoqarneratigut piukkunnaatilinnik suleqatigiissutissaqarneq
- Attaveqaatit, tassunga ilaalluni aqquserngit pitsanngorsarnissaat (Space managementimut tunngasumik Aalborg isumassarsiorfigalugu)
- Takornariaqarneq
- Ilinniarfissuit aamma suliffeqarfiit suleqatigiissinnaanerit (Aalborg Universitetimiit isumassarsiorluni)
- Piujuartitsineq
- Sulisinnaasut piukkunnartut aamma tigumminiinnarsinnaaneq

Aalborg Kommune-miit qulequtassatut isumassarsiaagallartut

- Aalborgimut piukkunnaateqarsinnaasut Nuummi mittarfiup tallinreqarneratigut – Nuummut ilaasunik, assartugassanillu toqqaannartumik angallassisinnaaneq
- Pilersuineq nukissiuuteqarnerlu, PtX
- Illoqarfimmik pilersaarusiorneq angallannerlu
- Siunissami piginnaasaqarluartut sulisinnaalluartullu, tassunga ilanngullugu isumaginninnermi suliaqarfimmi atorfinitsitsisarnermut tunngasuniit avatangiisinut mingutsitsinngitsunut tunngasunut allarpassuillu.
- Aallarnisaaneq/nutaaliorluni pilersitseqatigiinneq, assersuutigalugu aamma meeqqat atuarfianni
- Peqqinneq utoqqaallu, assersuutigalugu: Innuttaasuni pitsaaliuinnermi, isummakkut peqqissuunermi eqqarsartaatsikkut aamma meeqqat peqqinnissaannik misilittakkanik avitseqatigiinneq
- Atuarfeqarnerq
- Silap pissusaata allangornera – suliaqarnerq, naleqqussaaneq piareersarnerlu.
- Inuusutissarsiornermi nalinginnaasumik suleqatigiinneq aamma inuusutissarsiornermi periusissiami nutaamiit qulequttat

Ingerlatsivimmit aningaasatigut sulisoqarnikkullu naliliinerit

Ulluni ingerlatsinissamut Kommuneqarfik Sermersuumiit tapiissutit kr. 150.000,00-nik annertussuseqarput. Aningaasat annertoqataat Aalborg Kommune-miit tapiissutigineqarput, taamaalilluni katillugit kr. 300.000,00-it ulluni taakkunani atorneqassallutik. Tapiissutit ukiunut siuliinut assingupput.

Suliffeqarfimmut Kiffartuussivimmit aningaasatigut naliliineq

Attuumassuteqanngilaq.

Inatsisitigut tunngavissaq allakkallu tunngaviusumik uppersaatiillit

- Illoqarfittut ikinngutiginnermi suleqatigiinnissamut pingaarnertut isumaqatigiissut

Ilanngussat

1. Pilersaarusiaagallartoq
2. Aalborg Kommunimiit peqataasussat allattorsimaffiani allaqqasuutinneqarallartut

IMMIKKOORTOQ 2: Kulusummi qimussertartut peqatigiiffiannut tapiissuteqarneq

Beslutning

Ilisimatitsissut tusaatissatut tiguneqarpoq.

Ilanngussat

Siulittaasup aalajangiinera ullulerlugu atsiorneralu

Qamutseq 2016 Kulusuk, ulloq 16. marsi 2023 saaffiginnissutaa



Kulusummi qimussertartut peqatigiiffiannut tapiissuteqarneq

Siulittaasup aalajangiineranik ilisimatitsissut

Ilisimatitsissut

SagsID.: EMN-2023-00832

Suliffeqarfimmi Kiffartuussineq - Vicekommunaldirektøri Marie Fleischer (MAFL)

Inassuteqaat

Suliffeqarfimmi Kiffartuussiviup Aningaasaqarnermut Inuussutissarsionermullu Ataatsimiititami inassuteqaatiga:

- ilisimatitsissut tusaatissatut tiguneqassasoq

Suliassamik saqqummiussineq

Aningaasaqarnermut Inuussutissarsiuteqarnermullu Ataatsimiititami siulittaasup marsip 16-iani siuittaasutut akuersissutigaa qimussertartut peqatigiiffiannut Qamutseq 2016 Kulusuk, 50.000 kr.-nik tapiissuteqarneq

Kalaallit Nunaanni Qimussertartut Kattuffianit (KNQK) Tasiilami qimussertartut peqatigiiffiata tapiiffiqineqarnissamik qinnuteqaateqaqqaartuuvoq. Qinnuteqaat nassiunneqarmalli nalilerneqarpoq, Tasiilami siku ukioq qimussersuaqarfignissaanut isumannaatsuunngitsoq. Tamanna tunngavigalugu 2023-mi unamminissaq Kulusummut nuutinneqarpoq, aaqquissuussisuussallutik Qimutseq 2016, Kulusuk.

Tamatuma saniatigut tapiiffiqineqarnissamik siullermik KNQK-mit qinnuteqaateqaat, Aningaasaqarnermut Inuussutissarsionermullu Ataatsimiititami marsip 14-iani suliarineqartussaagaluarpoq. Ataatsimiititap ataatsimiinnissaa marsip 21-anut 2023 kinguartinneqarpoq, qinnuteqaatillu suliarineqarnissaa ajornarsisinnerarluni, piffissami sivikitsumi aaqquissuussinissap allannguuteqartinnera pissutigalugu.

Qulaani tunngavilersuutigineqartut pissutigalugit (takuuk ilanngussaq 1) siulittaasumit aalajangiiffigisassanngortinneqarpoq marsip 16-iani 2023.

Ukiuni 2023, 2024 aamma 2025-mi siullermik qinnuteqaatigineqartut eqqarsaatigalgit, qinnuteqaateqartoq aappaagu ukiup aallartinnerani qinnuteqaammik nutaamik kommunimi Kulturilerisut immikkoortortaannut nassiussisinnaavoq.

Ingerlatsivimmit aningaasatigut sulisoqarnikkullu naliliinerit

Suliaq aningaasaqarnikkut kinguneqaateqassanngilaq. Tamanna kommunip kulturimut tapiissuteqarnissamut immikkoortitaasa piffissami 2019-21-mi aningaasartuutigineqartut assigiinnerannik pissuteqarpoq.

Suliffeqarfimmut Kiffartuussivimmit aningaasatigut naliliineq

Oqaaseqaateqartitsisoqanngilaq.

Inatsisitigut tunngavissaq allakkallu tunngaviummik uppersaatillit

- Kommuneqarfik Sermersuumi kultureqarnermut tapiissuteqartarneq pillugu malittarisassat
- Kommuneqarfik Sermersuumi 2023-mi missingersuutit

Ilanngussat

1. Siulittaasup aalajangiinera ullulerlugu atsiorneralu
2. Qamutseq 2016 Kulusuk, ulloq 16. marsi 2023 saaffiginnissutaa

IMMIKKOORTOQ 3: Imigassaq pillugu inatsisip Nuummi eqqortinneqarnera pillugu nakkutilliineq

Beslutning

Ilisimatitsissut tusaatissatut tiguneqarpoq.

Ilanngussat

Nakkutilliinermi nalunaarusiaq Nuuk Food, Nuuk

Nakkutilliinermi nalunaarusiaq Pisiffik A/S, Nuuk Center

Nakkutilliinermi nalunaarusiaq Café Tamu, Nuuk

Nakkutilliinermi nalunaarusiaq Nilak A/S, Nuuk

Imigassaq pillugu inatsisip Nuummi eqqortinneqarnera pillugu nakkutilliineq

Aalajangiiffigisassaq

SagsID.: EMN-2023-00911

Suliffeqarfimmu Kiffartuussivik – kommunaldirektøri Ole Jakobsen / OJAK

Inassuteqaat

Suliffeqarfimmu Kiffartuussivimmit Aningaasaqarnermut Inuussutissarsiornermullu

Ataatsimiititamat inassuteqaatigineqarpoq:

- ilisimatitsissut tusaatissatut tiguneqassasoq
- suliaq ilisimatitsissutit Kommunalbestyrelsimut ingerlateqqinneqassasoq

Suliamik saqqummiussineq

Peqqissutsimut Naalackersuisoqarfimmi Nakkutilliinermut oqartussaasut 2022-mi ukiaanerani Nuummi arlaleriarlutik ukunani nakkutilliipput:

1. Nuuk Food, Industrivej 4, Box 100, 3900 Nuuk
2. Pisiffik A/S, Nuuk Center, Imaneq 1, B 3878, Box 61, 3900 Nuuk
3. Café Tamu, Naternaq 3A&B – B 4212, Box 456, 3905 Nuussuaq
4. Nilak, Red Dragon + udendørsserv., Imaneq 30 B 54, Box 49, 3900 Nuuk

Nakkutilliartornermit Naalackersuisoqarfiup pissutsit tulluuttut erseqqissaatigissavai:

Nuuk Food, Nuuk (ilanngussaq 1)

Nakkutilliartornermit Peqqissutsimut Naalackersuisoqarfiup makkua erseqqissaatigissavai:

- 18-iliineqanngitsunut [takuneqarsinnaasumillu aalakoortunut] aalakoornartortalinnik imigassanik tuniniaaneq inerteqqutaasoq pillugu allagartarsualiisoqarsimanngilaq (akuersissummik piginnittumut allagartarsuit tunniunneqarput)
- Imigassanut aalakoornartortalinnut nioqqutit akii takuneqarsinnaasunngorlugit inissinneqarsimanngillat (akuersissummik piginnittoq ilisimatinneqarpoq, pisinianut takuneqarsinnaasunik akinik allattuiffeqassasoq)
- Sulisut imigassanik aalakoornartortalinnik tuniniaanermik suliaqartut imigassanik aalakoornartulinnik isumannaatsumik tuniniaasarnissaannut pikkorissartinneqarsimanerannik uppersaateqanngilaq (kingorna iluarsineqarput).

Peqqissutsimut Naalackersuisoqarfimmi maannakkut suliffeqarfimmik misissuineq naammassineqarpoq aammalu suliasami matumani annertunerusumik iliuseqartoqarniarani.

Pisiffik A/S, Nuuk Center (ilanngussaq 2)

Nakkutilliartornermit Peqqissutsimut Naalackersuisoqarfiup makkua erseqqissaatigissavai:

- 18-iliineqanngitsunut takuneqarsinnaasumillu aalakoortunut imigassanik aalakoornartortalinnik tuniniaaneq inerteqqutaasoq pillugu allagartarsualiisoqarsimanngilaq (malitseqartitsilluni nakkutilliinermi pissutsit ilaatigut aqqissimapput)
- Imigassanut aalakoornartortalinnut nioqqutit akii takuneqarsinnaasunngorlugit inissinneqarsimanngillat (malitseqartitsilluni nakkutilliinermi pissutsit ilaatigut aqqissimapput)
- Sulisut imigassanik aalakoornartulinnik tuniniaanermik/sassaalliinermik suliaqartut imigassanik aalakoornartulinnik isumannaatsumik tuniniaasarnissaannut pikkorissartinneqarsimanerannik uppersaateqanngilaq (kingorna iluarsineqarput).

Peqqissutsimut Naalackersuisoqarfimmi maannakkut suliffeqarfimmik misissuineq naammassineqarpoq aammalu suliassami matumani annertunerusumik iliuseqartoqarniarani.

Café Tamu, Nuuk (ilanngussaq 3)

Nakkutilliarternimit Peqqissutsimut Naalackersuisoqarfiup makkua erseqqissaatigissavai:

- Inuit takuneqarsinnaasumik aalakoortut imigassarsiniaraangata itigartinneqartannginnerat pissutsinit ilimanarsisinneqarpoq (Allagartarsuit assilineri nutaat akuersissutaatilimmut tunniunneqarput ilisimatillugulu taakku pisinianit takuneqarsinnaasumut piaartumik nivinngarneqassasut)
- Sulisut imigassanik aalakoornartulinnik sassaalliinermik suliaqartut imigassanik aalakoornartulinnik isumannaatsumik sassaalliisarnissaannut pikkorissartinneqarsimanerannik uppersaateqanngilaq (kingorna iluarsineqarput)
- Sulisut apersoneqartut imigassanik aalakoornartortalinnik annissassanik pisisoqarsinnaasoq akissuteqaatigaat (Nakkutilliinermi erseqqissaatigineqarpoq imigassanik aalakoornartortalinnik annissassanik nioqquteqartarnejq inerteqqutaasoq aammalu unioqqutitsinerit politiinut nalunaarutigineqartartut).

Peqqissutsimut Naalackersuisoqarfiup manna tunngavigalugu nassaarineqartut nassuiarneqartut tunngavigalugit politiinut nalunaarutiginninnissamut pissutissaqarsorinngillat. Innersuussutigineqarporli akuersissutaatillip sulisut tamarmik Imigassaq pillugu politikki oillugu ilisimasaqartuarnissaat qulakkiissagaa.

Peqqissutsimut Naalackersuisoqarfimmi maannakkut suliffeqarfimmik misissuineq naammassineqarpoq aammalu suliassami matumani annertunerusumik iliuseqartoqarniarani.

Nilak A/S, Nuuk (ilanngussaq 4)

Nakkutilliarternimit Peqqissutsimut Naalackersuisoqarfiup makkua erseqqissaatigissavai:

- Pikkorissaqataasimanernut uppersaateqartumik akisussaassuseqartumik tuniniaasinnaanermut akisussaassuseqartumik sassallersinnaanermuunngittorli tunngapput (kingorna iluarsineqarput)
- Inunnut 18-it inorlugit ukiulinnut aamma inunnut ersittumik aalakoortunut imeruersaatinik aalakoornartortalinnik sassaalliinissamut inerteqqutitut allagartarsuaq asserneqarsimavoq (Nakkutilliinermi allagartarsualersortoqarsimasoq kisiannili ataaseq asseqqasoq paasineqarpoq. Allagartarsuaq barimi niuertitsisumit ersarinnerusunngorlugit ingerlaannaq allamut nuunneqarpoq)
- Imigassat aalakoornartortallit akii takuneqarsinnaasunngorlugit allatorneqarsimangillat (Nakkutilliinermi imeruersaatinik aalakoornartortalinnik sassalliisarfimmi imeruersaatit aalakoornartortallit ersarissumik akiisa allatorfiinik peqarnissaq piumasaqaataasoq ulluinnarni aqutsisumut erseqqissaatigineqarpoq).

Akuersissut pillugu allakkiami Garage akuersissummik tunniussiffiup nalaani perusuersartarfeqanngitsoq allassimasoq maluginiarneqarpoq. Nakkutilliinermi Garage-mi perusuersartarfeqanngitsoq paasineqarpoq, kisianni ilisimatitsissutigineqartut naapertorlugit illumi tassani silamut aneqqaarani sassaalliisarfimmi allami perusuersartarfiit atorneqarsinnaapput.

Peqqissutsimut Naalackersuisoqarfiup manna tunngavigalugu nassaarineqartut nassuiarneqartut tunngavigalugit politiinut nalunaarutiginninnissamut pissutissaqarsorinngillat.

Peqqissutsimut Naalackersuisoqarfimmi maannakkut suliffeqarfimmik misissuineq naammassineqarpoq aammalu suliassami matumani annertunerusumik iliuseqartoqarniarani.

Imigassamik tuniniaasinnaanermut sassaalliisinaanermullu akuersissutip sivitsoqqinnissaanut qinnuteqaatinik Pisortaqatigiit suliaqarnermini nakkutilliarternit nalunaarusiaq ilannguttassavaat.

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersuumut aningaasatigut sulisoqarnikkullu kinguneqarnaviangilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitallit

- Inatsisartut Inatsisaat nr. 35, 23. november 2017-imeersoq
- Init imigassanik aalakoornartulinnik nioqquteqartarfiit sassaallertarfiillu aaqqissuunneqarneri atorneqarnerilu pillugit Namminersornerullutik Oqartussat Nalunaarutaat nr 19. ulloq 29. marsi 1990-imeersoq
- Imigassanik nioqquteqarsinnaanermt akuersissutit pillugit Namminersornerullutik Oqartussat Nalunaarutaat nr. 4 ulloq 29. maj 1992-imeersoq
- Kommuneqarfik Sermersuumi imigassamik aalakoornartortalinnik nioqquteqartarneq sassaallertarnerlu pillugit Namminersorlutik Oqartussat nalunaarutaat nr. 4, 4. marsi 2011-meersoq

Ilanngussat

1. Nakkutilliinermit nalunaarusiaq Nuuk Food, Nuuk
2. Nakkutilliinermit nalunaarusiaq Pisiffik A/S, Nuuk Center
3. Nakkutilliinermit nalunaarusiaq Café Tamu, Nuuk
4. Nakkutilliinermit nalunaarusiaq Nilak A/S, Nuuk

IMMIKKOORTOQ 4: Ukioq atuarfiusoq 2021/2022 atuarfiit ataatsimoorlutik Pitsaassuseq pillugu Nalunaarusiaat

Beslutning

Ilisimatitsissut tusaatissatut tiguneqarpoq.

Ilanngussat

Ukioq atuarfiusoq 2021/2022 pillugu atuarfiit ataatsimoorlutik pitsaassuseq pillugu nalunaarusiaat



Ukioq atuarfiusoq 2021/2022 atuarfiit ataatsimoorlutik Pitsaassuseq pillugu Nalunaarusiaat

Ilisimatitsissut

SagsID: EMN-2022-07405

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ataatsimiitiamiit Aningaasaqarnermut Inuussutissarsionermullu Ataatsimiititamat inassuteqaatigineqarpoq:

- ilisimatitsissut tusaatissatut tiguneqassasoq
- suliaq Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Atuarfik pillugu Inatsisartut inatsisissaattut siunnersuut nr. 15, 3. December 2012-imeersumi § 49 naapertorlugu atuarfiit immikkut ukiumut atuarfiusumut qaangiuttumut ukiumoortumik pitsaassuseq pillugu nalunaarusiortassapput. Taassuma ilaatigut imarisassavai ukiumi atuarfiusumi kingullermi nukarlerni akullernilu misilitsinnerni angusat, angajullerni inaarutaasumik misilitsinnerni angusat, agguaqatigiissillugu klassini atuartut amerlassusiat, piffissaq atuartitsinermut atorneqartoq il.il.

Meeqqanut Atuarfeqarnermullu Ingerlatsivimmi Atuarfeqarnermut Immikkoortortaq atuarfiit namminneq ukiumoortumik pitsaassuseq pillugu nalunaarusiaat tunngavigalugit kommunimi atuarfiit tamarmik pillugit ataatsimoorussamik ukiumoortumik pitsaassuseq pillugu nalunaarusiortarpoq.

Matumani Kommuneqarfik Sermersuumi atuarfeqarnermut tunngasunik pitsaassuseq pillugu nalunaarusiaq ukiumut atuarfiusumut kingullermut takussutissiamik, ukioq atuarfiusoq 2021/2022-mut atuarfiit namminneq pitsaassuseq pillugu nalunaarusiaannik eqikkaanermik kiisalu immikkoortunik pingaarnernik nassuiaatinik imaqarpoq. Tamatuma saniatigut nalunaarusiap naggataani atuarfeqarnermut tunngasunik suliniutit ineriartortitsinissamullu suliniutit, ingerlanneqartut imaluunniit ukioq atuarfiusoq kingullermi aallartinneqarsimasut, pillugit takussutissamik imaqarpoq.

Ataatsimut pitsaassuseq pillugu nalunaarusiap suliarineranut atatillugu Meeqqanut Atuarfeqarnermullu Ingerlatsivimmit paasineqarpoq ukiup atuarfiusup siuliani 3. klassimi alloriarfimmi misilitsinnermit angusat nuna tamakkerlugu atuartitsivimmi qallunaatut agguaqatigiissinneri assigiittut, nunalu tamakkerlugu agguaqatigiissillugu kalaallisut matematikkimilu ataaniilluni. Taamatuttaaq takuneqarsinnaavoq ukiumi atuarfiusumi 2020/2021-mi 3. klassit alloriarfimmi misilitsinneranni atuartitsissutini pingasuusuni tamani angusanut sanilliukkaanni appariaateqarsimasut.

7. klassimi alloriarfimmi misilitsinnermi atuartitsissutini qallunaatut, matematikki tuluttullu angusat ukiumut atuarfiusumut siulianut sanilliullugu nuna tamakkerlugu agguaqatigiissillugu inissisimaffik qaangilaarlugu inissisimapput kalaallisullu atuartitsissummi angusat nuna tamakkerlugu agguaqatigiissillugu inissisimanerani appasinnerullutik. Ukiumut atuarfiusumut 2020/2021-mut sanilliullugu ukiumi atuarfiusumi siuliani 7. klassit alloriarfimmi misilitsinneranni kalaallisut angusat qaffasinnerulaarput.

Atuartsissutini qallunaatut, matematikkimi tuluttuumilu nuna tamakkerlugu agguaqatigiissillugu inissisimanermut inaarutaasumik allattariarsorluni misilitsinnermi angusat taakkunanga



qaffasinnerupput. Taamaalilluni ukiumut atuarfiusumut 2020/2021-mut sanilliullugu takuneqarsinnaavoq piginnaasanik misilitsinnermi inaarutaasumik angusani siuariaateqartoqartoq taamatullu kalaallisut allattariarsornermi misilitsinneq ilanngullugu. Atuartut meeqqat atuarfianni inaarutaasumik misilitsittussatut ilannguttut ukiumut atuarfiusumut 2020/2021-mut sanilliullugit ukiut siuliani 2%-imik qaffasinneruput.

Kommuneqarfik Sermersuumi atuarfiit tamarmik nalinginnaasumik suliarisarpaat alloriarfinni misilitsinnernit aamma inaarutaasumik misilitsinnernit angusat suussusersissallugit, misissussallugit aamma nassuiaasersussallugit, kiisalu angusat tamakkua pitsanngorsarumallugit suliniutinik iliuserisassanillu aallartitsissallutik.

Ingerlatsivimmit aningaasatigut sulisoqarnikkullu naliliinerit

Attuumassuteqanngilaq.

Suliffeqarfimmut Kiffartuussivimmit aningaasatigut naliliineq

Attuumassuteqanngilaq.

Inatsisitigut tunngavissaq allakkallu tunngaviusumik uppersaattillit

- Atuarfik pillugu Inatsisartut inatsisissattut siunnersuut nr. 15, 3. December 2012-imeersoq

Siusinnerusukkut aalajangiinerit

Meeqqanut Atuarfeqarnermullu Ataatsimiititaq, 01.03.23:

Ilisimatitsissut tusaatissatut tiguneqarpoq.

Ilanngussat

1. Ukioq atuarfiusoq 2021/2022 pillugu atuarfiit ataatsimoorlutik pitsaassuseq pillugu nalunaarussiaat

IMMIKKOORTOQ 5: Kalaallit Nunaanni Danmarkimilu ulloq unnuarlu paaqqinnittarfinniissinnaanermik neqerooruteqartarneq pillugu nalunaarut tusarniaassutigineqarmat akissuteqaat

Beslutning

Ilisimatitsissut tusaatissatut tiguneqarpoq.

Ilanngussat

Danmarkimi aamma Kalaallit Nunaanni ulloq unnuarlu paaqqinniffinniinneq pillugu nalunaarutip allannguutaanik tusarniaanermut akissut

Nalunaarutissatut siunnersuummut tunngatillugu assersuutaasinnaasut, nalunaarullu atuuttoq



Kalaallit Nunaanni Danmarkimilu ulloq unnuarlu paaqqinnittarfinniissinnaanermik neqerooruteqartarneq pillugu nalunaarut tusarniaassutigineqarmat akissuteqaat

Ilisimatitsissut

SagsID: EMN-2023-00821

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ataatsimiititap Aningaasaqarnermut

Inuusutissarsiornermullu Ataatsimiititamut inassuteqaatigaa:

- ilisimatitsissut tusaatitugit tiguneqassasoq
- suliaq ilisimatitsissutit Kommunalbestyrelsimut ingerlateqqinneqassasoq

Suliassamik saqqummiussineq

Suliffeqarnermut Isumaginninnermullu Ingerlatsiviup Qallunaat Nunaanni Social-, Bolig og ældreministeriet-miit Danmarkimi aamma Kalaallit Nunaanni ulloq unnuarlu

paaqqinnittarfinniinnissamik neqeroorut pillugu nalunaarutissatut siunnersuut nutaaq tiguaa.

Siunnersuut BEK 647 ulloq 31/05/2017-imeersup atuuttup allannguutigivaa. Suliffeqarnermut

Isumaginninnermullu Ingerlatsivimmit tusarniaanermut akissuteqaat Qeqqata Kommunian aamma Kommuneqarfik Sermersooq sinnerlugit suliarineqarpoq. Meeqqanut Ilaqutariinnullu Ingerlatsivik isumassanik meeqqanut tunngasut pillugit allannguutissanik tunniussaqqarpoq.

Suliffeqarnermut Isumaginninnermullu Ingerlatsivimmi pisortap tusarniaassutigineqartoq Qeqqata Kommunian Isumaginninnermut pisortamit nassiussarsiarivaa, taassumalu Meeqqanut Inuusuttunullu Naalakkersuisoqarfimmit ulloq 5. februaari 2023-mi tigusiavaa.

Naalakkersuisoqarfiup tusarniaassutigineqartoq kommunini aqutsisut ilaannut aamma Isumaginninnermi Aqutsisoqarfimmut nassiuppaa akissuteqarnissamat ulluinnaat 6,5-it piffissaliullugit. Tusarniaassutigineqartoq pisortatigoortumik aqutit atorlugit kommuninut nassiunneqanngilaq.

Tusarniaassutinut akissuteqaatit ilanngussatut ilanngunneqarput.

Tusarniaanermut akissutip tigulaariffiginera

Siunnersuutip ingerlanneqarnera periuserineqartoq, tusarniaanermut piffissaliussaq aamma

tusarniaassutigineqartup nassiunneqarnera kommuninit assut isornartinneqarput. Nalunaarutit

pingaarnertut allannguutitaa innuttaasut pineqaatissinneqarlutik inissinneqartut pillugit suliassanik

agguataarinnermut tunngassuteqarpoq, tassani akisussaaffik akiliisussaataanerlu

siunnersuutigineqarpoq kommunimut inissinneqassasoq. Ullumikkut akisussaaffik

akiliisussaataanerlu namminersorlutik oqartussani inissisimavoq. Kommunit aamma

namminersorlutik oqartussat akornanni suliassat agguataarneqarnerisa

allanngortinneqarnissaannut Qallunaat Nunaanni nalunaarut Naalakkersuisunit atorneqarnera,

siuortoortumik kommuninik isumaqatiginiqqaarani, qaqutigoortuuvoq. Tamanna kommuninit assut isornartinneqarpoq.

Tunniussineq aningaasaqarnikkut kommuninut annertuumik kinguneqartussaavoq.

2022-p tungaanut Peqqinnissaqarfiup (Naalakkersuisut ataanni) tarnimikkut nappaatillit

pineqaatissinneqartut akisussaaffigivai, pinerluttulerinnermi inatsimmi §240 naapertorlugu.

Pinerluttulerinnermi inatsit 2022-mi allanngortinneqarpoq, ”tarnimikkut nappaateqartut inuilluunniit

tamatumunnga assingulluinnartumik assersuunneqarsinnaasut” (imm. 1) aamma ”silamigut inortoq” (imm. 2), tassani siullertut taaneqartoq suli peqqinnissaqarfimmit akisussaaffigineqarpoq, kingullertullu taaneqartoq aalajangerneqarpoq inunnik isumaginnittoqarfimmit akisussaaffigineqassasoq.

Tusarniaanermut akissummi uparuarneqarpoq, silamikkut inortunut pineqaatissinneqarsimasunut tunngatillugu sullissineq, aningaasaliisarneq ilaalu ilanngullugit. Naalakkersuisunit tunniunneqarnissaat kissaatigineqarpat, tamanna Naalakkersuisut aamma kommunit akornanni toqqaannartumik isumaqatiginninniutigineqartariaqartoq, nalunaarummi allannguisoqartinnagu, taanna Kalaallit Nunaata aamma Danmarkip akornanni inissinneqarsimasunut naleqqussarneqarmat.

Suliffeqarnermut Isumaginninnermullu Ingerlatsivik isumaqarpoq suliassaq kommunip sullissineranut tunniutissallugu naleqquttuunngitsaq, tassani suliassat ikittuinnaat annertoorujussuit pineqarmata. Eqqartuussivinnit pineqaatissinneqartup Danmarkimut inissinneqarnissaa aalajangiiffigineqartarpoq, kommunillu suliap ingerlanneqarneranut taamaalillutik sunniuteqanngillat. Tamatuma saniatigut ukiuni kingullerni suliap arlallit tunngaviummik paasinianeqarnissaat pisariaqarpoq, tamannalu Naalakkersuisut aamma qallunaat naalakkersuisa akornanni pisariaqarpoq. Aammattaaq suliani aningaasartuuterpassuusarput amerlasuutigullu siviluujusarlutik.

Naalakkersuisut §240, imm. 2 malillugu pineqaatissinneqarsimasut pillugit suliassat tunniunneqarnissaannik siunniussaqaqarsimassappata, tusarniaanermut akissummi tamanna uparuarneqarpoq, tassa kommuninit naatsorsuutigineqarmat aningaasartuutiviit ataatsimoortumik tapiissutit imaluunniit Tamakkiisumik oqimaqatigiittoqarnissaanut tunngavik aqutugalugu utertinneqartarnissaat. Tamanna tunngavigalugu allannguutaasinnaasut aamma pisinnaanngillat, siumoortumik isumaqatiginniteqartoqartinnagu aamma missingersuutinik nalimmasaasoqartinnagu - tassa imaappoq, siusinnerpaamik ukiumi missingersuusiorfiusumut nutaamut ikaarsaalernemi.

Tusarniaanermut akissummut akissut

Suliffeqarnermut Isumaginninnermullu Ingerlatsivik februaarip ulluisa 16-ianni Meeqqanut, Inuusuttunut Ilaqutariinnullu Naalakkersuisoqarfimmit tusarniaanermut akissummut atatillugu akissummik tigusaqarpoq. Nalunaarut suliassaqaqarnerulernermik kinguneqassanngitsaq isumaqarput, innersuussutigalugulu pinerluttulerinermi inatsimmi § 240, imm. 2 malillugu silamigut inortunik inissiisarnernut aningaasartuutit Naalakkersuisunit akilerneqartartut, aningaasaqarnermut inatsimmi konto pingaarneq 30.13.44 silamigut inortunik inissiinerit takuuk. Tamatumunnga Naalakkersuisut erseqqissaatigaat, ulloq unnuarlu inissiinerup saniatigut isumaginninnikkut ikiorsiissutit kisimik nalunaarummi malittarisassaliunneqartut, taakkulu ikiorsiissutit Kalaallit Nunaanni inatsisit tunngavigalugit qanorluunniit kommunip susassaqaqfigigai.

Suliffeqarnermut Isumaginninnermullu Ingerlatsivimmit suli nalunaarutitigut pineqaatissiinerimi inissiinermut atatillugu Naalakkersuisuniit kommuninut suliassanik tunniussinermik kinguneqassasoq. Naalakkersuisoqarfimmit akissuteqaqqinnerminni allassimasut ullumikkut pineqaatissinneqarsimasunut inissinneqarsimasunut isumaginninnikkut ikiorsiissutit akilerneqartarneri kommunit suliassarinnngilaat. Tamatuma saniatigut pinerluttulerinermi inatsimmi, aningaasaqarnermut inatsimmi nalunaarummiluunniit inissiinermut aningaasartuutit kisiisa Naalakkersuisunut akilerneqartarneri erseqqissaatigineqanngilaq. Tamanna aningaasaqarnermut inatsimmi taamaallaat aalajangersarneqarsimavoq, kommuniminullu tusarniaatigineqarnani allanngortinneqarluni.



Ingerlatsivimmit aningaasatigut sulisoqarnikkullu naliliinerit

Nalunaarutissatut siunnersuut isikkumisut akuersissutigineqassappat tamatumunnga aningaasartuutit annertuut ilaassapput. Qanoq annertutiginera ilisimaneqanngilaq, suliaq ullumikkut Namminersorlutik Oqartussanit isumagineqartarmat. Suliffeqarnermut Isumaginninnermullu Ingerlatsiviup naatsorsuutigivaa, kommunit aningaasartuuteqarnerulernerat tamakkiisumik tapiissutit imaluunniit utertitsineq aqutigalugit utertinneqartassasut. Taakkununnga sullissinermi aningaasartuuteqarnerulernerq ilanngutissaaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Kalaallit Nunaanni Danmarkimilu ulloq unnuarlu paaqqinnittarfinnik neqerooruteqartarneq pillugu nalunaarut
- Kalaallit Nunaanni pinerluttulerinermut Inatsit

Siusinnerusukkut aalajangiinerit

Suliffeqarnermut Isumaginninnermullu Ataatsimiititaq, 21.02.23:

Ilisimatitsissut tusaatissatut tiguneqarpoq.

Ilanngussat

1. Danmarkimi aamma Kalaallit Nunaanni ulloq unnuarlu paaqqinniffinniinneq pillugu nalunaarutip allannguutaanik tusarniaanermut akissut
2. Nalunaarutissatut siunnersuummut tunngatillugu assersuutaasinnaasut, nalunaarullu atuuttoq

IMMIKKOORTOQ 6: Immikkut ittumik ataasiaannartumik imigassallersinnaanermut akuersissummik qinnuteqaat

Beslutning

Inassuteqaat akuersissutigineqarpoq.

Ilanngussat

Ejvind Elsner-ip immikkut akuerisassanngorlugu qinnuteqaataa

Immikkut ittumik ataasiaannartumik imigassallersinnaanermut akuersissummik qinnuteqaat

Aalajangiiffigisassaq

Suliap ilisarnaataa: BOG-2021-03359-003

Suliffeqarfimmut Kiffartuussivik – vicekommunaldirektøri Marie Fleischer / MAFL

Inassuteqaat

Suliffeqarfimmut Kiffartuussivimmiit Aningaasaqarnermut Inuusutissarsiornermullu

Ataatsimiititamut inassuteqaatigineqarpoq:

- immikkut ittumik qinnuteqaat akuerineqassasoq

Suliassamik saqqummiussineq

Akisuanerit Festival immikkut ittumik ataasiaannartumik imigassallersinnaanermut akuersissummik qinnuteqaammik tunniussaqaarpoq, tallimanngorneq septemperip ulluisa 29.-ani aammalu arfininngorneq septemperip ulluisa 30.-ani 2023 nal. 21:00-miit nal. 03:00-ip tungaanut atugassamik.

Kommuneqarfik Sermersuumi imigassaq pillugu qinnuteqarfissaq atuuttoq naapertorlugu ataasiaannartumik imigassallersinnaanermut akuersissutit taamaallaat nal.: 01:00 tikillugu tunniunneqarsinnaasut. Imigassaq pillugu inatsit naapertorlugu nal. 03:00 tikillugu immikkut ittumik ataasiaannartumik imigassallersinnaanermut akuersissuteqartoqarsinnaavoq.

Ukiut tamaasa Akisuanerit Festival Inussivimmi ingerlanneqartarpoq.

Ingerlatsivimmit aningaasatigut sulisoqarnikkullu naliliinerit

Soqanngilaq.

Suliffeqarfimmut Kiffartuussivimmit aningaasatigut naliliineq

Soqanngilaq.

Inatsisitigut tunngavissaq allakkallu tunngaviusumik uppersaataitallit

- o Imigassaq pillugu Inatsisartut Inatsisaat nr. 35, 23. november 2017-imeersoq
- o Imigassaq pillugu Inatsisartut inatsisaata allanngortinneqarnera pillugu Inatsisartut inatsisaat nr. 9, 12. juni 2019-imeersoq (Inuusuttut imigassanik aalakoornartulinnik sassaalliteqartarfinni piffissami qaqugu isersimasinnaanerannik allanngortitsineq, niuertarfinni nioqquteqarnermut piffissat ammaffiusartut sivitsorneqarnerat, imigassanik aalakoornartortalinnik ussassaarinermik inerteqqutip atorunnaarsinneqarnera; imigassat aalakoornartortalit niuertarfinni assiaqusersorneqarnissaannik atorunnaarsitsineq aamma inuit sassaalliteqartarfinni isersimanissaannik inerteqquteqarfigineqarsimasut pillugit paasissutissanik ingerlatitseqqinnissamut periarfissaliissut)

Ilanngussat

1. Ejvind Elsner-ip immikkut akuerisassanngorlugu qinnuteqaataa

IMMIKKOORTOQ 7: ESANI-mi immikkut ittumik ataatsimeersuarneq - kukkunersuisumik toqqaaneq

Beslutning

Inassuteqaat akuersissutigineqarpoq.



ESANI-mi immikkut ittumik ataatsimeersuarneq - kukkunersiuisumik toqqaaneq

Aalajangiiffigisassaq

SagsID.: EMN-2023-01153

Suliffeqarfimmut Kiffartuussivik - kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamat inassuteqaatigaa:

- akuersissutigineqassasoq allaffeqarfik piginnaatinneqassasoq akigititassanik pissarsiniareernerup kingornatigut ESANI A/S-imut kukkunersiuisussamik pitsaanerpaamik toqqaanissaanut

Suliassamik saqqummiussineq

Kukkunersiuisartup Deloitte Kalaallit Nunaanni suliniutitik BDO Statsautoriseret Revisionselskab-imut (kukkunersiuisoq pisortanit akuerisaq) tunivai. Deloitte ukioq naatsorsuusiorfimmi 2022-mi ESANI-mut kukkunersiuisuuvoq, tunineqarneratali kingorna ingerlatseqatigiiffimmut kukkunersiui neq naammassineqarsinnaajunnaarpoq. Taamaattumik immikkut ittumik ataatsimeersuarnikkut nutaamik kukkunersiuisumik toqqaasoqassaaq.

ESANI-mut kukkunersiui nermit isumaqatigiissutaqqaarsimasoq annertuumik suliassartaqarsimavoq, tassa ESANI ingerlatseqatigiiffiummat aallarteqqammersoq immikkut aningaasaqarnermut atuuffeqanngitsaq. Maannakkut ESANI-mi piffissap affaani sulisartumik aningaasaqarnermut pisortaqarpoq, taamaattumillu siornatigutut kukkunersiuisunut suliassaqarpallaanngilaq.

Kukkunersiuisut maanna taarserneqartussaammata kukkunersiui nermit nutaanik neqeroorteqartoqassaaq, tassanilu pisariaqartitsineq naapertorlugu kiffartuussineq akilerneqassaaq, taamalu siornatigornit kukkunersiui nermit suliassanut sipaaruteqartoqassalluni.

Kukkunersiuisoq ataatsimeersuiarnikkut toqqaarneqassaaq, tassungalu tunngatillugu Aningaasaqarnermut Inuussutissarsiornermullu Ataatsimiititamat Kommuneqarfik Sermersuumi piginnittutut atuuffik tigummineqarpoq.

ESANI kommuninit sisamanit ataatsimut pigineqarpoq, taamaattumillu ataatsimeersuarnermi kukkunersiuisumik toqqaaneq isumaqatigiissutaasussaavoq.

Ingerlatsivimmit aningaasatigut sulisoqarnikkullu naliliinerit

Aalajangerneq Kommuneqarfik Sermersuumut aningaasatigut sulisoqarnikkullu sunniuteqassanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- o Ingerlatseqatigiiffiit pillugit inatsit

Ilanngussat

Soqanngilaq.

IMMIKKOORTOQ 8: Nuummi Kapisilinnilu 2023-mi upernaakkut ataatsimiititat ataatsimut angalanissaat

Beslutning

Inassuteqaat akuersissutigineqarpoq.

Ilanngussat

Ataatsimiititat angalanissaannut aaqqissuussaaneq (1. juuni 2021-mi aalajangiussaq)

Ataatsimiititat angalanissaannut pilersaarut

Nuummi Kapisilinnilu 2023-mi upernaakkut ataatsimiititat ataatsimut angalanissaat

Sanarfinermut Avatangiisinullu Ataatsimiititaq aamma Aningaasaqarnermut Inuussutissarsiornermut Ataatsimiititaq

Aalajangiiffigisassaq

SagsID: EMN-2023-00928

Sanarfinermut Avatangiisinullu Ingerlatsivik – pisortaq Hans Ulrik Skifte / HUTS

Suliffeqarfimmut Kiffartuussivik – kommunaldirektøri Ole Jakobsen / OJAK

Inassuteqaat

Sanarfinermut Avatangiisinullu Ataatsimiititaq aamma Suliffeqarnermut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- ataatsimiititaq Sanarfinermut Avatangiisinullu Ataatsimiititaq peqatigalugu 2023-mi sapaatip akunnerani 20-mi Nuummi Kapisilinnilu angalaqatigiinnissaat akuersissutigineqassasoq

Suliassamik saqqummiussineq

Kommuneqarfik Sermersuumi illoqarfiit nunaqarfiillu pillugit qinikkanit paasisaasaqarfigineqarnerunissaat ilisimasaqarfigineqarnerunissaallu kiisalu kommunimi innuttaasunik oqaloqateqarnissaq ataatsimiititat angalanissaanni siunertaavoq. Ataatsimiititat angalanerini aamma suliamut tunngasunik aalajangersimasunik ataatsimiititat namminneq suliassaqarfimminnut tunngasunik paasisaqarnerunissaat isumassarsiortarnissaallu periarfissaassaaq.

Kommunalbestyrelsip ileqquumsumik siullermik ataatsimiinnerani 1. juuni 2021-mi piffissami qinigaaffiusumi 2021-miit 2025-mut ataatsimiititat angalanissaannut aaqqissuussaq akuersissutigineqarpoq (ilanngussaq 1). Aaqqissuussaaneq taanna malillugu Sanarfinermut Avatangiisinullu Ataatsimiititaq aamma Aningaasaqarnermut Inuussutissarsiornermullu Ataatsimiititaq 2023-mi ukiup affaata siulliup iluani Nuummi angalasussaapput.

Ataatsimiititat angalanerminni aallaavittut ikinnerpaamik nunaqarfik ataaseq ilanngullugu angalaffigisassavaat. Angalanissamat matumunnga atatillugu Kapisillit tikinneqarnissaat siunniunneqarpoq.

Kommunalbestyrelsip ataatsimiinnissaanut ungasinngitsumut sapaatip akunnerani 20-mi angalanissaq inissinneqarpoq. Taamaaliornikkut ilaasortat Nuup Avataaneersut angalaneranni aningaasartuutitigut sipaartoqassalluni.

Ingerlatsivimmit aningaasatigut sulisoqarnikkullu naliliinerit

Ataatsimiititat pineqartut Nuummi Kapisilinnilu suliassaqarfitsik ataatsimoorussatik paasisaasaqarfigineruniarlugit angalaqatigiinnissaat allaffeqarfimmit pissusissamisoortuusoq nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- o Ataatsimiititat angalanissaannut pilersaarut



Siusinnerusukkut aalajangernerit

Sanarfinermut Avatangiisinullu Ataatsimiititaq, 23.02.23:

Sanarfinermut Avatangiisinullu Ingerlatsiviup aamma Suliffeqarfimmut Kiffartuussiviup

Sanarfinermut Avatangiisinullu Ataatsimiititamut inassuteqaatigaat:

- ataatsimiititap Aningaasaqarnermut Inuussutissarsiornermullu Ataatsimiititaq peqatigalugu 2023-mi sapaatip akunnerani 20-mi Nuummi Kapisilinnilu angalaqatigiinnissaat akuersissutigineqassasoq
- suliaq aalajangiiffigisassatut Aningaasaqarnermut Inuussutissarsiornermullu Ataatsimiititamut ingerlateqqinneqassasoq

Inassuteqaat akuersissutigineqarpoq.

Ilanngussat

1. Ataatsimiititat angalanissaannut aaqqissuussaaneq (1. juuni 2021-mi aalajangiussaq)
2. Ataatsimiititat angalanissaannut pilersaarut

IMMIKKOORTOQ 9: Kommunitut pilersaarummut tapiliussamut siunnersuut L9-1, Kiattua, Amitsuarsuk, Nuuk pillugu tamanut tusarniaaneq

Beslutning

Inassuteqaat akuersissutigineqarpoq.

Ilanngussat

Kommunitut pilersaarummut tapiliussasatut siunnersuut L9-1, Kiattua, Amitsuarsuk, Nuuk

Kommunimut pilersaarummut tapiliussamut siunnersuut L9-1, Kiattua, Amitsuarsuk, Nuuk pillugu tamanut tusarniaaneq

Aalajangiiffigisassaq

SagsID: EMN-2022-06854

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- kommunimut pilersaarummut tapiliussamut siunnersuut L9-1, Kiattua, Amitsuarsuk, Nuuk tamanut tusarniaassutigineqarnissaa siunertaralugu akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut L9-1, Kiattua, Amitsuarsuk, Nuuk, siunnersuut matumuuna saqqummiunneqarpoq.

Kommunimut pilersaarummut tapiliussaq suliarineqarpoq pilersaarutit siunnersuut Camp Kiattua tunuliaqutaralugu, piffissami marsip ulluisa aappaanniit – apriliip ulluisa 27-ata 2022-p tungaanut tamanut saqqummiunneqartoq, kingornagullu Sanarfinermut Avatangiisinullu Ataatsimiititap piunasaqaateqarneratigut sapaatip akunnerini pingasuni soqutigisaqartunut tusarniaassutigineqarpoq septembari 2022-mi.

Kommunimut pilersaarummut tapiliussaq una aqputigalugu immikkoortup ilaa L-imi nutaamik takornarialerinermit siunertanut atugassiisoqassaaq. Immikkoortoq Kapisillit avannaatungaani Amitsuarsuup paavata nalaani kujallermiippoq. Kangerluk naggorissunik sivinganertaqartiterpoq, tamaanilu kuuit kuunnguillu arlaqarlutik. Immikkoortup ilaata kangiatungaa eqaloqarfiunngitsumik kooqarpoq. Kangerluk Thule aamma Noorliit kulturianeersunik il.il. qanganisaqarpoq. Immikkoortullu ilaa Noorliit illukuat assitaliunneqarnikuuvoq, normoqarlunilu NKAH1470.

Immikkoortup ilaani sillajaanik salliarnartaqartiterpoq, taakkulu takornarianut illuaqqiorfissaqqillutik assigisaanilluunniit, tassami manissukajaajullutillu sivingajaartumiipput, isikkivigissitinneqarniassammata.

Immikkoortumi qattorngit katillugit aqqaneq-marluk sanaartorfigineqarsinnaapput, pigisanut ilioraaviit pinngortitamilu uffarfiit ilanngullugit, qattorngit arfineq-pingasut tupeqarfiussapput sulisut inissaannut, taavalu illu angisooq ataaseq, tassunga igaffik neriniartarfillu inissinneqassallutik. Qattorngit annerpaamik 50 m²-iussapput, taavalu pigisanut ilioraaviit annerpaamik 6 m²-iussapput. Illu angisooq annerpaamik 140 m²-iussaaq 1 ½-nik quleriilik. Sanaartorneqartut tamarmik nunamut naleqqussagaassapput, inississornerilu sapinngisamik nunamut tulluarsagaassallutik.

Sumiiffimmi aqqusineeraliortoqarsinnaavoq, tassuuna qulakkeerniarlugu aqputiliat pioreersut sapinngisamik allanngutsaalineqarnissaa. Aammattaaq sanaartornermut atatillugu puttasuliortoqarsinnaavoq, taannalu tamanit atorineqarsinnaasuussaaq. Aserfallatsaaliuinermit atatillugu nunaminertamik piginnittussaataasooq pisussaaffeqartinneqassaaq.

Pilersaaruserfiusoq nukissiuutinik imminut pilersortussaavoq, tamannalu sapinngisamik seqernup qinngorneranik atuinermiit pissaaq. Illuaqqat toqqilluunniit silataani qalipaataat avatangiisinut sapinngisamik ilassuuttuussapput.



Siunnersuut sapaatip-akunnerini arfineq-pingasuni tamanut tusarniaassutigineqassaaq.

Ingerlatsivimmit aningaasatigut sulisoqarnikkullu naliliinerit

Pilersaarutitut tunngasut suliarineqarneranni aningaasatigut sulisoqarnikkulluunniit kinguneqassanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataatallit

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-imeersoq
- Inatsisartut inatsisissaat nr. 34, 9. december 2015-imeersoq
- Kommunitut pilersaarut digitaliusoq www.kp.sermersooq.gl

Siusinnerusukkat aalajangiinerit

Sanarfinermut Avatangiisinullu Ataatsimiititaq, 23.02.23:

Inassuteqaat akuersissutigineqarpoq.

Ilangussat

1. Kommunitut pilersaarummut tapiliussasatut siunnersuut L9-1, Kiattua, Amitsuarsuk, Nuuk

IMMIKKOORTOQ 10: Kommuneqarfik Sermersuumi sanaartornermut iluarsartuussinermullu aningaasaateqarfiup naatsorsuutitigut teknikkikkullu malittarisassat

Beslutning

Inassuteqaat akuersissutigineqarpoq.

Ilanngussat

Kommuneqarfik Sermersuumi sanaartornermut iluarsartuussinermullu aningaasaateqarfiup naatsorsuutitigut teknikkikkullu malittarisassat



Kommuneqarfik Sermersuumi sanaartornermut iluarsartuussinermullu aningaasaateqarfiup naatsorsuutitigut teknikkikkullu malittarisassat

Aalajangiiffigisassaq

SagsID.: EMN-2023-00683

Suliffeqarfimmut Kiffartuussivik - kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamat inassuteqaatigaa:

- Kommuneqarfik Sermersuumi sanaartornermut iluarsartuussinermullu aningaasaateqarfiup naatsorsuutitigut teknikkikkullu malittarisassat akuerineqassasut
- Allaffeqarfik naatsorsuutitigut teknikkimullu tunngasuni annertunngitsunik allannguinissamat, tamanna IT-p inissinneqarnerata pisariaqartippagu, pisinnaatinneqarnissaa akuerineqassasoq
- suliaq aalajangiiffigisassanngorlugu Kommunalbestyrelsimut ingerlateqqinneqassasoq

Suliasamik saqqummiussineq

Kommuneqarfik Sermersuumi sanaartornermut iluarsartuussinermullu aningaasaateqarfimmi naatsorsuutitigut teknikkikkullu pilersitsisoqassasoq Kommunalbestyrelsip ulloq 20. decembari 2022-mi akuersissutigaa. Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. januar 2022-meersumi § 10 malillugu uani pisumi naatsorsuutitigut aningaasaateqarfimmut malittarisassat Aningaasaqarnermut Inuussutissarsiornermullu ataatsimiititamiit innersuussisoqarnerata kingornatigut Kommunalbestyrelsip akuersissutigissavai.

Ingerlatsivimmit decembarimili kommunip naatsorsuutitigut programmianik pisiortorfik peqatigalugu illup iluani avataanilu suleqatit iluaqutigilluarlugit naatsorsuutitigut teknikkikkullu naatsorsuutit sanaartugassanut iluarsartuussinermullu aningaasaateqarfiup aaqjissuunneqarnissaa suliarineqarput. Aningaasaateqarfik ukiumi naatsorsuusiortiusumi 2022-mi atuutilertussaammat malittarisassat piaartumik naammasseqquneqarput.

Malittarisassat ilanngussaq 1-imiipput.

Aningaasaateqarfimmi aningaasaliiffigisartagassat assigiinngitsut pingasut pingaarnerit tassaapput:

1. Sanaartugassanut aningaasaliissutit, suliasamat aalajangersimasumut aningaasaliissutaasut marloqiusamik aningaasalersuinerimik tunngavillit
2. Sanaartugassanut aningaasaliissutit immikkoortitaniittut, soorlu sinerissap qanittuani aalisarnermut aningaasaliissutit, taakkunannga sanaartugassanut aningaasaliissut atugassanngortissinnaasunngorlugit. Immikkoortitaniit aningaasartuutitit nalunaarsortarunnaarlugit. Tassa imaappoq, immikkoortinneqartut pilersaarutaasumik aningaasaliissutaapput, kisiannili suliummut aalajangersimasumut suli atorineqartussaantat
3. Iluarsartuussinernut aningaasaliissutit ingerlatsinerimut aningaasaliissutitit taaneqartut, kommunip illuutaanik iluarsartuussinermut aserfallatsaaliuinerimullu matussutaasut. Taakku illuutit ingerlanneqarnerinut tunngammata immikkut taakku sanaartornermi naatsorsuusiortneqassanngillat

Malittarisassanik atuutsitsilernikkut aamma marloqiusamik aningaasalersueriaatsimik tunngaveqarneq akuerineqartoq tunngavigalugit, kommunip sanaartugassatut pilersaarutaanik



pitsaanerusumik ingerlatsivimmi Kommunalbestyrelsimilu aqutsisoqarsinnaanera naatsorsuutigineqarpoq.

Siunissami aamma politikikkut ataatsimiititaq sorleq sanaartugassamik pilersaarusiorfigineqarnersoq ilanngunneqartalissaaq soorlu aamma missingersuutitut siunertaq sumiiffillu nalunaarsuiffigineqarsinnaalissasut.

Siunissamilu sanaartukkanut naatsorsuutit, malittarisassani taaneqartuni, naatsorsuutitik allattuiffinni immikkoortunut inissinneqartalissapput, pilersaarutit ataasiakkaat pillugit takussutissat isumaqatigiissutigineqartullu ataasiakkaat ilanngullugit.

Ukiut tamaasa sanaartornermut iluarsartuussinermullu nassuiaammi aningaasaqarneq pillugu nalunaarusiortoqartarpoq. Pilersaarutitut tamanut aningaasaliinnginnermi aningaasaqarneq, atuinnginnermi aningaasaqarneq, ukiumut aningaasaliissutit, ukiumut atuneq, ukiup naanerani aningaasaliissutit ukiullu naanerani atuneq takutinneqartarput. Ilangussatut pilersaarutitut tamanut allakkamik nassuiaammik naatsumik ilanngussisoqartarpoq.

Taamatuttaaq innuttaasut akileraartartut aningaasaataannik pisariaqanngitsumik uninngatitsinissaq pinaveersaartinniarlugu pilersaarutit ataasiakkaat tamarmik ingerlateqqinneqassanersut, matuneqassanersut imaluunniit aningaasaliissutit sinneqartoorutigineqartut utertinneqassanersut inassuteqaatigineqartassaaq. Aningaasaliissutitut tapiissutissat allamit piniarneqartassapput.

Pilersaarutit 31.12.2022-miit massakkumut ingerlasut ukiumi naatsorsuusiorfiusumi 2022-mi naatsorsuutitigut teknikkikkullu sanaartornermut iluarsartuussinermullu aningaasaateqarfimmut nuunneqassapput. 2022-mut aningaasaliissutitut ilanngullugit nuunneqassapput siusinnerusukkut aningaasaliissutitut ilanngunnagit. "Sanaartornermut iluarsartuussinermullu aningaasaateqarfimmut aningaasaliissutitut nuutitsineq" malillugu aningaasaliissutit nuunneqartarput. "Sanaartornermut iluarsartuussinermullu aningaasaateqarfimmi aningaasaliissutitut atuneq" malillugu 2022-mi atuneq nuunneqassaaq taamaalillutik ingerlatsinermut naatsorsuutit aallaqqaataaneerneckassammata.

IT-mut atortunik ikkussuilluni sulineq suli naammassinngilaq kisiannili ingerlarnga ima siuarsimatigilerpoq, aalajangiiffigisassat immikkoortuisa pingajuanni allaqqasutut allaffeqarfik minnerusunik allannguuteqarsinnaalersinneqassappat, malittarisassat politikikkut suliarineqarsinnaalissallutik. Minnerusuinnarnik annertunngitsunik allannguuteqartoqarnissaa naatsorsuutigineqarpoq.

Ingerlatsivimmit aningaasatigut sulisoqarnikkullu naliliinerit

Aningaasaqarnermut aqutsissummik ikkussuinermit aningaasartuutit pisortat ataatsimut qarasaasiaqarfiannit akilerneckassapput kommunimilu IT-mut aningaasartuutit kontulerneckarlutik.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatiillit

- Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. januar 2022-meersoq.
- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq

Ilangussat

1. Kommuneqarfik Sermersuumi sanaartornermut iluarsartuussinermullu aningaasaateqarfiup naatsorsuutitigut teknikkikkullu malittarisassat

IMMIKKOORTOQ 11: Arctic Park

Beslutning

Inassuteqaat amerlanerussuteqartuniit akuersissutigineqarpoq (IA, N aamma D).

Inassuteqaat ikinnerussuteqartuniit itigartitsissutigineqarpoq (S).

Ilanngussat

Nalunaarusiaq Arctic Park

Angalaneq pillugu nalunaarusiaq

Tilbud – Kortlægning af vej til Paradisdalen

Arctic Park

Aalajangiiffigisassaq

SagsID: EMN-2021-11270

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ataatsimiititamiit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

- Arctic Park pillugu nalunaarusiaq akuerineqassasoq
- suliaq Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

Arctic Park tassaavoq Nuummi ukiuunerani aasaanerani timersuutini kiisalu sunngiffimmi pinngortitami sammisassanik ineriartortitsinermik suliniut anguniagaqarfiusoq siunissamullu naleqqussagaq. Pilersaarut aningaasaateqarfimmit Sisorarfiit 2019-ip ukiaani saqqummiunneqarpoq, kingornalu peqatigiiffiit, najukkami innuttaasut suliffeqarfiillu ilanngutsinnerisigut ineriartortinneqarluni. Taamaalilluni pilersaarummi najukkami innuttaasunit peqatigiiffinnillu kissaatigineqartut tunngaviupput.

Arctic Park tassaavoq sammisassaqaarfik tamaani sammisassat suunissaat innuttaasunit peqatigiiffinniillu sunniuteqarfigineqartut. Parki Nuummi aamma Kalaallit Nunaanni sammisassatut periarfissanik tupinnaannartunik ammaasseqataassaaq.

Kommuneqaarfik Sermersooq 2021-mi nalunaarusiortussamik pilersaarusiornermik sulialimmik atorfeqartitaqarnikuuvoq. Pilersaarutip nalunaarusiarineqarnerani peqatigiiffiit, najukkami innuttaasut aamma suliffeqarfiit akuutinneqarsimapput. Tamatuma inernerivaa nalunaarusiaq ilanngussatut ilanngunneqartoq, suliniutit agguataarlugit allaaserinnittoq:

- Aqqusineq
- Hotel, cafe, illuaqqat, lejrskole aamma klubhuse
- Qaqqasiorneq, zipline, pisuttunut aqquteeqqat
- Mountainbike
- Ujakkaarneq
- Sisoraatigaluni ooqattaasarneq
- Sisorarnerit
- Skilift
- Qamuteralaat

Arctic Park aqqutigalugu takorloorneqarpoq Nuup illoqarfiata tunuani nuna tikinneqarsinnaanngorlugu sunngiffimmi sammisassaqaarfittut nutaatut ineriartortinneqassasoq asimi nunami immikkuullarissumi taamaakkaluartoq illoqarfimmut qanittumi. Arctic Park aqqutigalugu kissaatigineqarpoq illoqarfiup alliertortup ungasinngisaani pinngortitami nunaminertamik inuit katersuuffiannik nutaamik pilersitsisoqassasoq. Anguniarneqarpoq ukioq kaajallallugu pinngortitami misigisassanik immikkuullarissunik nuannisarfiusinnaalluartunillu pilersitsisoqassasoq. Kikkulluunniit, meeqqat utoqqaallu, innuttaasut takornariillu ukioq kaajallallugu nunap immikkoortuanut tassunga ornigussinnaassapput pinngortitaq immikkuullarilluinnartoq misigisaqarfugalugu, sammisanilu assigiinngitsuni peqataallutik. Tamanna Kommuneqaarfik Sermersooq 2022 - 2025 IA aamma Naleraq Suleqatigiinnissamik isumaqatigiissutaannut naapertuuppoq.



Nalunaarusiap akuerineqarneratigut suliniutip ilai sanaartornerup iluani politikikkut tulleriarnermi aammalu aningaasanik isumaqatigiinniarnermi ilaatinneqarsinnaapput. Alloriarneq siulleg tassaasariaqarpoq aqquserniorneq, peqatigiiffiit inuussutissarsiutinillu suliaqartut sanaartornertaanut sanaartukkanullu tunngasunik aallartisisinnaaqullugit.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Inuit Ataqtigiit Naleqqallu akornanni suleqatigiinnissamik isumaqatigiissut

Siusinnerusukkat aalajangiinerit

Meeqqanut Atuarfeqarnermullu Ataatsimiititaq, 01.03.23:

Inassuteqaat amerlanerussuteqartuniit akuersissutigineqarpoq (IA aamma D).

Inassuteqaat ikinnerussuteqartuniit itigartitsissutigineqarpoq (S).

Ilanngussat

1. Nalunaarusiaq Arctic Park
2. Angalaneq pillugu nalunaarusiaq
3. Tilbud – Kortlægning af vej til Paradisdalen

IMMIKKOORTOQ 12: Meeqqat atuarfiini Mindfulness misiligummik suliniutaanissaanik allaaserinnineq

Beslutning

Inassuteqaat akuersissutigineqarpoq.

Ilanngussat

Misiligummik suliniut meeqqat atuarfiini mindfulness



Meeqqat atuarfiini Mindfulness misiligummik suliniutaanissaanik allaaserinnineq

Aalajangiiffigisassaq

SagsID.: EMN-2021-15456

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ataatsimiitiamiit Aningaasaqarnermut Inuussutissarsionermullu Ataatsimiititamut inassuteqaatigineqarpoq:

- suliniummik allaaserinnineq akuerineqassasoq
- suliaq Kommunalbestyrelsimut ilisimatitsissutitut ingerlateqqineqassasoq

Suliassamik saqqummiussineq

Meeqqanut Atuarfeqarnermullu Ataatsimiititaq juunip 4-ni 2021-mi aalajangiiffigisassatut siunnersuummik Kommunalbestyrelsimut tigusaqarpoq, tassa kommunimi meeqqat atuarfiini mindfulness atulerneqarnissaanut tunngasumik. Meeqqanut Atuarfeqarnermut Ingerlatsivik, suliap qaqqineqarneranut atasumik aningaasaqarnermut tunngasumik missiliuussisimavoq, kommunimi atuarfinni tamani mindfulnessip eqqunneqarnerata nalinginnaasumik qanoq akeqarnissaanut tunngasumik.

Aalajangiiffigisassatut siunnersuut Meeqqanut Atuarfeqarnermullu Ataatsimiititami septembarip 8-ni 2021 suliarineqarpoq. Tamatumani innersuussut allannguummik matuminnga nassataqarluni akuersissutigineqarpoq, tassa Meeqqanut Atuarfeqarnermullu Ingerlatsivimmit suliaq misissorneqassasoq aamma aalajangiiffigisassatut siunnersuummik nassiussisoqarluni, aalajangiiffigisassatut siunnersuut aqqutigalugu kommunimi meeqqat atuarfianni ataatsimi mindfulnessimik atugaqarneq misileraqqaarneqaaqqullugu. Tassani siunertaalluni, misiligummik suliniummik mindfulnessimik matuminnga atuinermi misilittakkat aallaavigineqassapput, kommunimi meeqqat atuarfiini tamani atuartsinermi nalinginnaasumik mindfulnessip qanoq atornerqarnissaanik ineriartortitsinissaq eqqarsaatigalugu.

Meeqqanut Atuarfeqarnermullu Ingerlatsivimmi tamanna tunngavigalugu mindfulnessimik suliniuteqarnissamut allaaserinnittoqarpoq. Mindfulnessip meeqqat atuarfiini atornerqarneranut siunertaasoq, misiligummik suliniummi akisussaaffiit agguataarneqarneranni anguniagaasoq, aningaasaqarneq kiisalu misiligummi suliniummik nalilersuineq il.il. misiligummik suliniuteqarnissamut soqutiginaatillit sammineqarnerannik suliniummik allaaserinnineq imaqarpoq. Ingerlatsivimmiit aamma innersuussutigineqarpoq, misiligummik suliniuteqarneq inuttut ineriartortitsinermut tapertatut ingerlanneqassasoq, taamatummi atuartsinermi ilaatigut siunertaamat atuartut timikkut eqqarsartaatsikkullu peqqinnerusumik inuuneqarnissamut piginnaangorsarneqarnissaat. Suliniummik allaaserinnineq akuersissutigineqassappat, Nuummi atuarfiit ilaani 2023/24-mi 2024/25-miluunniit misiligummik suliniutip aallartisarneqarnissaanut aningaasartassanik ingerlatsivimmit qinnuteqartoqassaaq.

Ingerlatsivimmit aningaasatigut sulisoqarnikkullu naliliinerit

Meeqqanut Atuarfeqarnermullu Ingerlatsivimmi missiliuunneqarpoq, misiligummik suliniummik ingerlatsineq 122.720 kr.-qassasoq. Atuarfeqarnermut immikkoortortamut missingersuutini ukiumilu atuarfiusussami aggersumi tassunga tunngasunik aningaasaliisoqarnikuunngilaq, taamaattumillu 2023/2024-mi ukiumi atuarfiusumi misileraanissaq aallartinneqassappat ilassutitut aningaasaliissutit aqqutigalugit qinnuteqartoqassaaq imaluunniit 2024-mut missingersuusionermi



periarfissanut allattorsimaffimmut ilaatinneqarluni. Kingulleq toqqarneqassappat misiligummik suliniut ukiumi atuarfiusumut 2024/25-mut kinguartinneqassaaq.

Suliffeqarfimmut Kiffartuussivimmit aningaasatigut naliliineq

Pisoq tassanngaannartuunngimmat 2023-mullu missingersuusiornermi siumut oqaatigineqarsinnaanikuummat, piumasarineqarpoq 2023-mi TB1-mi qinnutigineqassasoq, ingerlatsivimmi atugassat iluini nuussinermi matussuserneqassasoq.

Inatsisitigut tunngavissaq allakkallu tunngaviusumik uppersaatillit

- Atuarfik pillugu Inatsisartut inatsisissaattut siunnersuut nr. 15, 3. December 2012-imeersoq

Siusinnerusukkut aalajangiinerit

Meeqqanut Atuarfeqarnermullu Ataatsimiititaq, 01.03.23:

Inassuteqaat akuersissutigineqarpoq.

Ilannugsaq

1. Misiligummik suliniut meeqqat atuarfiini mindfulness

IMMIKKOORTOQ 13: Kommunitut pilersaarummut tapiliusseq O10-1 Nunatarsuaq, Nuuk inaarutaasumik akuersissutigineqarnera

Beslutning

Inassuteqaat akuersissutigineqarpoq.

Ilanngussat

Tusarniaanermut akissutit suliaqarneq

Tusarniaanermi akissutit tiguneqartut

Kommunitut pilersaarummut tapiliusseq O10-1 Nunatarsuaq, Nuuk

Pinngortitaleriffiup peqataatitsinermut nalunaarusiaa

Kommunimut pilersaarummut tapiliusaaq O10-1 Nunatarsuaq, Nuuk inaarutaasumik akuersissutigineqarnera

Aalajangiiffigisassaaq

SagsID: EMN-2022-01344

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Kommunimut pilersaarummut tapiliusaaq O10-1 Nunatarsuaq, Nuuk itigartinneqassasoq
- suliaq aalajangiiffigisassatut Kommunalbestyrelsimut ingerlateqqinneqassasoq

Suliassamik saqqummiussineq

Inassuteqaatigineqartoq una politikikkikut akuersissutigineqassappat, Nunatarsuarmi Nuup Kangerluani tammajuitsussarsiorluni piniarnermut akuersissuteqartoqassaaq, Nuummi aatsaat taamatut pisoqassalluni, Nunattali sinnerani ukiorpaalunni ilaatigut Kangerlussuarmi taamatut ingerlatsisoqarnikuuvoq. Piniarnermut akuersissutit pingaarutaat ingerlatsivimmiit imatut erseqqissaatigineqassaaq:

Nunatami piniarnermut akuersissuteqarfiunngitsumi, sumiluunniit piniarfigineqarsinnaasumi, pissutsit tulluuttut atuupput:

- o Inuussutissarsiuutigalugu piniartut tamarmik akuerisamik piniarnermut allagartallit piniarsinnaatitaapput
- o Saniatigooralugu piniartut tamarmik akuerisamik piniarnermut allagartallit piniarsinnaatitaapput
- o Inuussutissarsiuutigalugu tammajuitsussarsiorluni piniarnerit tamarmik atuuttumik akuersissutitallit pisinnaapput

Nunatami piniarnermut akuersissuteqarfiusumi pissutsit tulluttut uku atuupput:

- o Inuussutissarsiuutigalugu piniartut tamarmik akuerisamik piniarnermut allagartallit piniarsinnaatitaapput
- o Saniatigooralugu piniartut tamarmik akuerisamik piniarnermut allagartallit piniarsinnaatitaappu
- o Inuussutissarsiuutigalugu akuerisamik tammajuitsussanik piniartitsineq taamaallaat akuersissummik pigisalinnit ingerlanneqarsinnaavoq

Tamakkiisumik isigissagaanni assigiinngissutaa tassaassaaq, takornariat tammajuitsussarsiorlutik angallassisutik peqatigalugit nunatami piniarnermut akuersissuteqarfiusumi tammajuitsussarsiorlunit allanit avissaaqqatinneqarnissaat, nunatami najukkami inuussutissarsiuutigalugu saniatigooralugulu piniartunik avitseqatigiiffiusumi. Najukkami inuussutissarsiuutigalugu saniatigooralugulu piniartut aamma piniarnermut akuersissutitaqarfiunngitsup sinnerani piniarfiunnginnerunera misigissavaat.

Sanarfinermut Avatangiisinullu Ingerlatsivimmit kommunimut pilersaarummut tapiliusaaq O10-1 Nunatarsuaq matumuuna saqqummiunneqarpoq. Kommunimut pilersaarummut tapiliusaaq O10-1 Nunatarsuaq siunnersuut sapaatip-akunnerini 8-ni, piffissami 31. august – 26. oktobari tamanut tusarniaassutigineqarpoq. Piffissaliussap iluani tusarniaanermut akissutit qulit tiguneqarput, taakkunani ataaseq aternik 62-inik atsiornertaqarluni. Tusarniaanermut akissutit pilersaarutitut ilassummi allannguutissamik pissutissaqartitsinngillat, immikkoortulli arlaqartut akuersissummik neqerooruteqartitsinissami ilanngutitinnissaannut ingerlateqqinneqassapput.

Tusarniaanermut akissuteqaatini takuneqarsinnaavoq nalinginnaasumik tammajuitsussarsiniarluni tuttunniarneq aamma akuersissummik pigisaqartunut tuttunniarneq. Ingerlatsivimmit erseqqissarneqarpoq piffissami matumani piniariarfinni tamani, Nunatarsuaq ilanngullugu, tammajuitsussarsiniartitsilluni piniartoqarsinnaasoq, akuersissummik pigisaqaraanni. Kisermaassilluni akuersissut taamaallaat akuersissummik pigisaqarnissamik angusaqarsimasunut atuuppoq. Tassa imaappoq kisermaassilluni tammajuitsussamik piniartitsinissamut akuersissut, soorlu takornarianut nioqqutitut ittoq.

Taakku saniatigut tusarniaanermi akissutini takuneqarsinnaavoq tuttunniartarfiit sunngiffimmi piniartartunit aamma inuussutissarsiutigalugu piniartunit ernumassutigineqartoq. Ingerlatsiviup soqutigisaqatigiit kattuffii, inuussutissarsiutigalugu piniartut aamma sunngiffimmi piniartartut tusarniaassummik nassinneqarsimannginnerat ataasiakkaanit uparuarneqarpoq. Ingerlatsiviulli erseqqissaatigaa, taamaattoqarpat ingerlatsineq soqutigisat apeqqutaatillugit assigiinngitsunik piniartarfiillu sumiinneri apeqqutaatillugit immikkoortiterisoqarnissaa. Kommunimi sunngiffimmi suliassaqarfimmi soqutigisaqatigiinnut tunngatillugu ingerlatsivik sullissinissanik taama ittunik sullissinissaminut periarfissaqanngilaq. Ingerlatsinikkut naligiissitsineq eqqarsaatigalugu tamanna pitsaasuunngilaq.

Ingerlatsiviup tusarniaassutai tamatigut tamanut allagarsiissutigineqartarput, ingerlatsivimmillu nalilerneqarpoq, ataasiakkaani siulersuisut soqutigisaqarfimmik iluani attuumassutillit pillugit ilisimatitsisarnissartik akisussaaffigaa.

Kommunimut pilersaarummut tapiliussamut nunaannarmi immikkoortup ilaanik nutaamik, tammajuitsussarsiorluni tuttunniartitsinissamut akuersissutigineqartussatut atorneqarsinnaasumik pilersitsisoqarnissaa imaraa. Sumiiffik katillugu 815 km²-it missaanni annertussuseqarpoq, tassa Nuup Kangerluani avannarpasissumi Immikkoortup ilaa O2 Inuilaarsuaq – Nerutusooq Avannarliup sanaartorfioqqusaanngitsup iluani.

Immikkoortup ilaata siunnersuutigineqartup O10-p iluani sumiiffiit pingasut akuersissuteqarfissatut atugassanngortinneqassapput. Taakku Inuussutissarsiornermut aamma Nukissiutinullu Naalackersuisoqarfimmiit ataatsimut ataasiartumik akuersissutissatut imaluunniit akuersissutinik pigisaqartunut assigiinngitsunut arlalinngorlugit neqeroortitsissutigineqarsinnaapput.

Kommunimut pilersaarummut tapiliussami tunngaviit tassaapput:

- Immikkoortup ilaa O10-mik nutaamik immikkoortuliornissaq
- O10-p sumiiffittut tammajuitsussarsiorluni tuttunniartitsinissamut uumasunillu allanik piniarnissamut akuersissutigineqartussatut atugassianngorlugi aalajangersarneqarnissaa.
- Nunaannaap naleqquttumik atorneqarnissaanik qulakkeerinninnissaq, aamma takornarianut sukisaarsaatigalugu piniartartunut pitsaasunik atugassaqartitsinissaq.
- Sumiiffimmi pineqartumi akuersissummut attuumassuteqartumik tammaarsimaarfiliornissamik, tuperfiliornissamik assigisaanilluunniit periarfissaqartitsinissamik qulakkeerinninnissaq

Akuersissut ima isumaqarpoq, suliffeqarfiup kisimiilluni nunami sumiiffiup aalajangersimasup iluani takornariaqarnermut atatillugu qinnuteqaatigineqartoq nioqqutigisinnaagaa. Akuersissut assersuutigalugu tammajuitsussarsiniarluni piniarnermut piginnaatitaasumut ataatsimut tunniunneqassaaq, taamaalillunilu taanna kisimi immikkoortumi tammajuitsussarsiniarluni piniarnissamik niueruteqarsinnaalissaaq. Taamaakkaluartoq allanik, soorlu inuussutissarsiutigalugu aamma sunngiffimmi piniarnermik, sammisaqartoqarsinnaavoq.

Peqataatitsineq

Peqataatitsinissamut saniatigut iliuuserineqarpoq Hotel Hans Egede-mi siunnersuut pillugu paasisitsiniaalluni ataatsimiisitsineq, Inuussutissarsiornermut Nukissiuuteqarnermullu Naalakkersuisoqarfik suleqatigalugu ulloq 12. oktobari 2022 ingerlanneqartoq. Innuttaasut 25-t missaat takkuppet. Amerlasuut sunngiffimmi piniartarlutik, ataasiakkaallu inuussutissarsiuutigalugu piniartuullutik oqaatigaat. Ataatsimiinnermi saqqummiunneqarpoq ataasiakkaat akuersissummik qinnuteqarnissamut soqutiginnittut, tassungalu atatillugu piumasaaqatit suunerat paaserusullugu. Tamatuma kingorna ingerlatsiviup Inuussutissarsiornermut immikkoortortaq oqaloqatigivaa, taanna kommunimut pilersaarummut pituttugaanngilaq.

Kalaallit Nunaanni Pinngortitaleriffiup decembarimi 2022 peqataatitsinerup qanoq ingerlanissaa immikkut suliarivaa, ingerlatsivillu tassunga atasuni aaqqissuussani arlalinni peqataavoq. Tamanna aqutigalugu inuussutissarsiuutigalugu aamma sunngiffimmi piniartut sinniisaannik oqaloqatigiissutigineqarpoq akuersissummik pigisaqarneq qanoq isumaqartoq, aammalu ullumikkut tammajuitsussarsiniarluni piniarnermik ingerlatsisoqartoq, piniarnermut allagartaqaraanni inerteqqutaanngitsoq. Ajoraluartumik apersuilluni misissuinnermi takornariaqarnermik inuussutissarsiornermut peqataasoqanngilaq, taamaattumik neriuutigineqartutulli siamasitsiginngilaq. Peqataatitsinermi akissutit inernerini ersarissivoq akulerussuineq annertusoq taamaasilluni taaguutit akuersissuteqarnerit aamma tammajuitsussarsiniarluni piniarneq paatsoorneqarsimallutik.

Peqataatitsinermi akissutit inernerini ingerlatsivimmit tiguneqarput, tassanilu allassimavoq 44-t akissuteqartut, taakkunanilu amerlanerpaat ilisimatitsisimasut sunngiffimmi piniartarlutik. Amerlanerit akuersissuteqarnerit tammajuitsussarsiniarluni piniarnerit nangaassuteqarfigaataa erserpoq, najukkami inuiaqatigiinnut sunniuteqarnissaa annilaangaginerullugu. Allanguutissatut kissaatigineqartut amerlanersai inatsisunik tunngaveqarput taamaattumik kommunip suliaaqqarfiginngilai - taakkunani ilaapput piniarnissamut piffissaq, angallaneq il. il.

Sulinerup ingerlariaqqinnera

Kommunimut pilersaarummut tapiliussaq inaarutaasumik akuersissutigineqarpat, ingerlatsiviup naalakkersuisoqarfimmik suleqateqarluni akuersissummik piginnittussarsiorneq tamatumaniilu piumasarineqartut aamma suliarissavaat, taama ilionnikkut imminut attanneqarsinnaasumik ineriartortitsineq qulakkeerneqassaaq - nunami avatangiisit najukkamilu suliffissat ilanngullugit.

Ingerlatsivimmit siunnersuutigineqarpoq Paamiut Qeqertarsuatsiaallu eqqaaniittut misissuiffigineqarmata peqataatitsineq aallartinneqassasoq, tassani tammajuitsussarsiniarluni piniarnermut pilersaarusiortoqarsinnaavoq. Sumiiffinnili taakkunani marlunni innuttaasut tamanna siunnersuutigisimagaat takussutissaqanngilaq.

Kommunimut pilersaarummut tapiliussassatut siunnersuummik matuminnga 010-1, Nunatarsuaq, akuersinikkut sumiiffimmut Nunaannarmut pilersaarummi 2-2-mi aalajangersakkat kommunimut pilersaarummi allaaserineqartut atorunnaassapput.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Attuumassuteqanngilaq.

Inatsisitigut tunngavissaq allakkallu tunngaviusumik uppersaatillit

- Pilersarusiorneq aamma nunaminertat atorpeqartarnerat pillugit Inatsisartut inatsisissaat nr. 17, 17. november 2010-meersoq
- Kommunitum pilersaarut digitaliusoq www.kp.sermersooq.gl
- Sumiiffinni nunami aalajangersimasuni takornariartitsinermit akuersissuteqartarnissaq pillugu Inatsisartut inatsisaaat nr. 19, 3. december 2012-imeersoq

Siusinnerusukut aalajangiinerit

Sanarfinermut Avatangiisinullu Ataatsimiititaq, 23.02.23:

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq:

- kommunimut pilersaarummut tapiliussaa O10-1 Nunatarsuaq, Nuuk akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Inassuteqaat imatut oqaaseqaatitalerlugu itigartitsissutigineqarpoq: Siunissami akuersissutitalinnik qinnuteqaatit eqqarsaatigalugit, ataatsimiititap kissaatigaa susassaartut ammasumik peqataatitsinerusumillu akuutinneqassasut.

Ilangussat

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Kommunitum pilersaarummut tapiliussaaq O10-1 Nunatarsuaq, Nuuk
4. Pinngortitaleriffiup peqataatitsinermit nalunaarusiaa
5. <https://kp.sermersooq.gl/aalajangersaanermut-tunngassuteqartog/nunaannaq/nunaannaq/o2-gl/>

IMMIKKOORTOQ 14: Kommunitut pilersaarummut tapiliussassatut siunnersuut, 1A3-3 Jens Kreutzmannip aqputaa aamma Saqqarliit, Nuuk pillugu tamanut tusarniaaneq

Beslutning

Inassuteqaat akuersissutigineqarpoq.

Ilanngussat

Kommunitut pilersaarummut tapiliussassatut siunnersuut, 1A3-3 Jens Kreutzmannip aqputaa aamma Saqqarliit, Nuuk



Kommunimut pilersaarummut tapiliussassatut siunnersuut, 1A3-3 Jens Kreutzmannip aqputaa aamma Saqqarliit, Nuuk pillugu tamanut tusarniaaneq

Aalajangiiffigisassaq

SagsID: EMN-2022-09679

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuusutissarsiornermullu Ataatsimiititamut inassuteqaatigaa:

- kommunimut pilersaarummut tapiliussassatut siunnersuut, 1A3-3 Jens Kreutzmannip aqputaa aamma Saqqarliit, Nuuk, tamanut tusarniaassutigineqarnissaa siunertaralugu akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussassatut siunnersuut 1A3-3 Jens Kreutzmannip Aqputaa aamma Saqqarliit, matumuuna saqqummiunneqarpoq.

Immikkoortup ilaa 1A3 Nuup qeqqaniippoq Qapiarfiusaap aamma Dronning Ingridip Napparsimmavissuata (SANA)-p akornanniilluni 12 ha.-llu miss. annertutigaaq.

Kommunimut pilersaarummut tapiliussa 1A3-3 suliarineqarpoq, immikkoortumi ullutsinnut naleqquttunik aalajangersagaliornissaq siunertaralugu, taamaalilluni ineqarfissatut pileringeqartuaannarniassammat. Tassunga atatillugu kommune inissiaqarfiup sanaartorfineqanngitsortaa pillugu, pitsaaqutaalu pillugit tamakkiisumik nalilersuivoq, inissiat qanoq ilillutik allilerneqarsinnaanersut siunissamullu qulakkeerneqarsinnaanersut, sumiiffimmi illuliortaaseq immikkullu ilisarnaatai atatiinnarlugit.

Kommunimut pilersaarummut tapiliussassatut siunnersuummi immikkoortup nunap assingani killilersugaanera annertusineqarpoq aamma immikkoortup ilai 1C8-p aamma 1D3-p ilaat ilanngunneqarlutik. Pilersaarusiortuup pingaarnertut atuuffia inissiaqarfittut attatiinneqassaaq.

Immikkuualuttut marluk atugassiissutigineqarput. Immikkuualuttoq A siammasissunik pukkitsunik inissianik sanaartorfissatut atugassiissutigineqarput, quleriit 1,5-it tikillugit, annerpaamik tunngaviup nunaminertarissavaa 120 m². Ungasissusissamut piumasaqaat tunngavigalugu inissiat tamarmik tunngaviup nunaminertaata annerpaaffissaannut allilerneqarnissaat periarfissaqanngillat. Immikkuualuttoq B akulikitsunik pukkitsunik inissianik sanaartorfissatut atugassiissutigineqarput, quleriit 2,5-it tikillugit, Immikkuualuttoq B-mi illut uiguleriit tallimaanit pingasut isatereerput uiguleriillu kingullit marluk isatereqarnissaannut pilersaarutaareerlutik. Kommunimut pilersaarummut tapiliussami maanna siusinnerusukkulluunniit uiguleriit inissiat inissisimaffianni nutaanik sanaartorfissanik atugassiisoqarpoq. Uiguleriinnik nutaanik sanaartornermi aalajangersakkat tunngavigalugit eqqaaniittunut illunut sanaartorfinnut tulluartuunissaat qulakkeerneqassaaq.

Siunnersuut sapaatip-akunnerini arfineq-pingasuni tamanut tusarniaassutigineqassaaq.



Matumani Kommunimut pilersaarummut tapiliussassatut siunnersuutip 1A3-3-p akuersissutigineqarneratigut 1A3-2 atorunnaarsinneqassaaq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatiit

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaa nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Siusinnerusukkut aalajangiinerit

Sanarfinermut Avatangiisinullu Ataatsimiititaq, 23.02.23:

Inassuteqaat akuersissutigineqarpoq.

Ilangussat

1. Kommunimut pilersaarummut tapiliussassatut siunnersuut, 1A3-3 Jens Kreutzmannip aqquataa aamma Saqqarliit, Nuuk

IMMIKKOORTOQ 15: Kommunitut pilersaarummut tapiliussaᑦ 1A13-2 Qimerlua inaarutaasumik akuersissutigineqarnera

Beslutning

Inassuteqaat akuersissutigineqarpoq.

Ilanngussat

Tusarniaanermut akissutinik suliaqarneq

Tusarniaanermi akissutit tiguneqartut

Kommunitut pilersaarummut tapiliussaᑦ 1A13-2 Qimerlua

Kommunimut pilersaarummut tapiliusseq 1A13-2 Qimerlua inaarutaasumik akuersissutigineqarnera

Aalajangiiffigisassaq

SagsID: EMN-2022-02396

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- kommunimut pilersaarummut tapiliusseq 1A13-2 Qimerlua akuersissutigineqassasoq
- suliaq aalajangiiffigisassanngorlugu Kommunalbestyrelsimut ingerlateqqinnekassasoq

Suliassamik saqqummiussineq

Sanarfinermut Avatangiisinullu Ingerlatsiviup matumuuna 1A13-2 Qimerlua saqqummiuppa.

Kommunimut pilersaarummut tapiliusseq siunnersuutitut sapaatip-akunnerini arfinilinni tamanut tusarniaassutigineqarpoq, piffissami novembarip ulluisa 24-anit januaarip ulluisa 29-iata 2022-p tungaanut. Tusarniaanermut killiliussap iluani akissutit marluk tiguneqarput. Taakku annikitsunik oqaasertaatigut aaqiissuteqartitsissapput.

Pilersaaruserfigineqartoq 1A13 5,2 ha-it missaannik isorartussuseqartoq Nuup qeqqaniippoq.

Kommunimut pilersaarummut tapiliussami 1A13-2 immikkoortup nunataa kiisalu pingaarnertut atuuffia inissianut siunertanut attatiinnarneqarpoq, taamaattorli immikkualuttut marluk atugassiissutigineqarput. Immikkualuttoq A, kitaatungaaniittoq, inissianut siunertanut, tassunga ilanngullugu kollegianik ilinniartunullu inissianik, sanaartornissamut aalajangersimasumik periarfissiisoqarpoq. Immikkualuttoq B, kangimut sammisumik, Qimerluata eqqaani inissianut pioreersunut.

Matumani Kommunimut pilersaarummut tapiliussassatut siunnersuutip 1A13-2-p akuersissutigineqarneratigut 1A13-1 atorunnaarsinneqassaaq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinnekassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppernarsaatillit

- Pilersaaruserneq aamma nunaminertat atornekartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Siusinnerusukkat aalajangiinerit

Sanarfinermut Avatangiisinullu Ataatsimiititaq, 23.02.23:

Inassuteqaat akuersissutigineqarpoq.



Ilanngussat

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Kommunitumut pilersaarummut tapiliussaq 1A13-2 Qimerlua

IMMIKKOORTOQ 16: Oqaluuserisassanut tapiliusseq: Suliffimmi atugassarititat pillugit Aaqqissuussaannermut Ineriartortitsinermullu immikkoortoqarfimmit ilisimatitsissut

Beslutning

Ilisimatitsissut tusaatissatut tiguneqarpoq.

Ilanngussat

Isumannaallisaanerup aaqqissuunneqarneranik takussutissiaq



2021-mi decembarimiilli assigiinngitsunik ilusilikkani Tasiilami, Paamiuni Nuummilu aaqqissuussisoqartarpoq. Aaqqissuussani 200-nit amerlanerusut peqataasarsimapput: sulisut, aqutsisut inuit pingarutillit soorlu sulisunut aamma isumannaallisaanermut sinniisut.

Helle Rabøl Hansenip, pimmatiginnittarneq ullumikkut qanoq ataatsimut ajornartorsiutaanerata isigineqartarnera pillugu, pimmatiginnittarnerup inummut qanoq sunniuteqartarnera, atugarliornerup qanoq takuneqarsinnaanera aamma qanoq ililluta tamatta immikkut suliffimmi atugassaritineqartut pitsaanerulernissaannik iliuuseqarsinnaanitsinnik paasissutissiivoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Suliffimmi atugassarititanut / atugarissaarnissamut missingersuutit iluini akilerneqarpoq.

Inatsisitigut tunngavissaq allakkallu tunngaviusumik uppersaattillit

- Suliffeqarnermut ministeriap "Isumannaallisaaneq pillugu aaqqissuussineq"-mut nalunaarutaa nr. 1048, 26. oktober 2005-imeersoq (Beskæftigelsesministeriets bekendtgørelse nr 1048 af 26 oktober 2005, kap 2, § 5 "Sikkerhedsorganisation")

Ilanngussat

1. Isumannaallisaanerp aaqqissuunneqarneranik takussutissiaq

**IMMIKKOORTOQ 17: Oqaluuserisassanut tapiliusseq: 2022-mi
Nunaqarfinnut aningaasaliissutinit aningaasanik atorneqanngitsoortunik
ukioq mannamut 2023-mut nuussinissamut Nunaqarfinni Aqutsisut
qinuteqaataat**

Beslutning

Inassuteqaat akuersissutigineqarpoq.

2022-mi Nunaqarfinnut aningaasaliissutinit aningaasanik atorneqanngitsoortunik ukioq mannamut 2023-mut nuussinissamut Nunaqarfinni Aqutsisut qinuteqaataat

Aalajangiiffigisassaq

SagsID.: EMN-2023-01297

Suliffeqarnermut kiffartuussivik – kommunaldirektøri Ole Jakobsen / OJAK

Inassuteqaat

Suliffeqarfimmud Kiffartuussivimmiit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- ukioq kingulleq 2022-mi Nunaqarfinnut aningaasaliissutinit aningaasanik atunngitsoortunik ukioq mannamut 2023-mut nuussinissamut Nunaqarfinni Aqutsisut qinnuteqaataat akuersissutigineqassasoq

Suliassamik saqqummiussineq

Kommuneqarfik Sermersuomi Kommunalbestyrelsi Nunaqarfirmilu Aqutsisut akornanni politikkikkut suleqatigiinnissamut isumaqatigiissut 2021-2025 najoqqutaralugu, ukiup siuliini Nunaqarfinnut aningaasaliissutaasut atorneqanngitsut annerpaamik aningaasaliissutit tamarmiusut affai (50%) nuunneqarnissaannut Nunaqarfinni Aqutsisunit qinnutigineqarsinnaapput.

Politikkikkut suleqatigiinnissamut isumaqatigiissut malillugu nunaqarfinnut aningaasaliissutit atorneqarnissaannut siunnersuutit pitsaassusaat aammalu siunertamikkut akuersissutigineqarnissaat Aningaasaqarnermut Inuussutissarsiornermullu Ataatsimiititami akuerissutigineqarnatik ingerlatsivimmit imaluunniit immikkoortortani aqutsisunit qulakkeerneqartarput. Aningaasaqarnermut Inuussutissarsiornermullu Ataatsimiititap taamaallaat sinaakkutit aningaasaliissutit akuersissutigisassavaat, tamannalu pereerpat Nunaqarfinni aqutsisut nunaqarfinnut aningaasaliissutit atorneqarnissaannut siunnersuutinik ingerlatsivinnut imaluunniit immikkoortortani aqutsisunut siunnersuutit pitsaassutsikkut qulakkeerneqarnissaat aammalu siunertatigut akuersissutigineqarnissaat siunertaralugu nassiussissapput.

Kommunalbestyrelsi ukioq 2023-mut Nunaqarfinnut aningaasaliissutinut 2.400.000 koruunit immikkoortinneqarsimapput taakkunanilu aningaasaliissutit atunngitsuukkat 581.320 koruunit missingersuutini ukioq 2022-mit 2023-mut nuussinissamut qinnuteqarput.

Aningaasat atunngitsuukkat ataani allaqqasut 2022-mit 2023-mut nuunneqarnissaat qinnutigineqarput:

Nunaqarfinni Aqutsisut	2022-mi aningaasaliissutit	Atuineq	Nuussinissamut qinnutigineqartut
Kulusuk, Tiilerilaaq og Isertoq	708.170 kr.	549.873 kr.	158.297 kr.
Kuummiit og Sermiligaq	889.820 kr.	867.802 kr.	22.018 kr.
Qeqertarsuatsiaat og Kapisillit	516.600 kr.	188.763 kr.	(*)258.300 kr.
Arsuk (*)	285.410 kr.	135.010 kr.	(*)142.705 kr.
I alt	2.400.000 kr.	1.741.448 kr.	581.320 kr.

(*) annerpaamik 50% aningaasaliissutit tamakkiisut nuussinnaagamik Qeqertarsuatsiaat Kapisillit (516.600 kr.) aningaasat affai 258.3000 kr. Arsummut (285.410 kr.) aningaasat affai 142.705 kr.

Nunaqarfinni aqutsisut atuisimanertik pillugu imatut oqaaseqaateqarput:

Nunaqarfinni aqutsisut Kulusuk, Tiilerilaaq aamma Isertoq oqaaseqaataat: Aningaasat atorluarneqarput. Illuaraq Piigiddinni suliarinissaa iluatsinngitsoorpoq, suliariumannittussarsiuksinermi neqeroorusiortoqannginnami.

Nunaqarfinni aqutsisut Kuummiit og Sermiligaaq oqaaseqaataat: Suliassat arlallit naammassineqarput. Majuartarfinnik iluarssaasineq sanaartornermut teknikkumullu tunngasut suliarineqarnissaanut kissaatigineqarnerattut suliarinnittussarsiornermi neqeroorusiortoqanngimmat suliarineqanngitsoorput.

Nunaqarfinni aqutsisut Qeqertarsuatsiaat og Kapisillit oqaaseqaataat: Innuttasunut aaqjissuussiinerit amerlasuut ingerlanneqarput. Illuaqqanik Kapisilinni Qeqertarsuatsiaanilu pilersitsisoqarpoq, innuttaasunut issiaarfigineqarsinnaasut. Taakkua saniatigut peqatigiiffiit tapersorsorluarneqarput.

Nunaqarfinni aqutsisut Arsummi oqaaseqaataat: Arsummi Nunaqarfinni Aqutsisut ilimagisamiik aningaasanik atuineq annikinnerusimavoq, tassanilu pequtaasimavoq allaffimmi sulianik akisussaasut paatsuungassutigineqarsimanerata kingunerinik suliat teknikkimut sanaartornermullu suliassat aallartinneqanngitsoorlutik. Ukioq manna corona kingorna innuttasunik ataatsimoortitsinerunissaq anguneqarsimavoq.

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersuumi Kommunalbestyrelsip Nunaqarfinnilu Aqutsisut akornanni politikikkut suleqatigiinnissamut isumaqatigiissut 2021-2025 najoqqutaralugu, ukiup siuliini Nunaqarfinnut aningaasaliissutaasut atorneqanngitsut annerpaamik aningaasaliissutit tamarmiusut affai nuunneqarnissaannut Nunaqarfinni Aqutsisunit qinnutigineqarsinnaapput.

Suliffeqarfinnut Kiffartuussivimmit aningaasatigut naliliineq

Suliffeqarfinni Kiffartuussiviup Kommunalbestyrelsip Nunaqarfinnilu Aqutsisut akornanni politikikkut suleqatigiinnissamut isumaqatigiissut 2021-2025 malillugu aningaasat atunngitsuukkat 2022-mit 2023-mut nuunneqarnissaat innersuussutigivaat.

Inatsisitigut tunngavissaq allakkallu tunngaviusumik uppersaattallit

- Kommuneqarfik Sermersuumi Kommunalbestyrelsip aamma Nunaqarfinni Aqutsisut politikikkut suleqatigiinnissamik isumaqatigiissutaataa
- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilanngussat

Soqanngilaq.

IMMIKKOORTOQ 18: Oqaluuserisassanut tapiliussaq: Ataatsimeersuarneq Nuuk Imeq A/S 2023

Beslutning

Inassuteqaat akuersissutigineqarpoq.

Ilanngussat

Nuuk Imeq ukiumoortumik nalunaarussiaq 2022

2022-mut ukiumoortumik nalunaarussiaq immikkuualuttut, ukiumoortumik naatsorsuutit 37-ssaat



Ataatsimeersuarneq Nuuk Imeq A/S 2023

Nuuk Imeq A/S-imi killiffik siulersuisunilu ilaasortanik innersuussuteqarneq

Aalajangiiffigisassaq

SagsID.: EMN-2023-01350

Suliffeqarfimmut Kiffartuussivik – kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsionermullu Ataatsimiititamut inassuteqaatigaa:

- Nuuk Imeq A/S-imut ukiumoortumik nalunaarusiaq immikkuualuttunillu allaaserisat tusaatissatut tiguneqassasut
- Kuupik Kleist-ip siulersuisuni siulittaasutut ingerlaqqinnissaanik innersuussuteqarneq akuersissutigineqassasoq
- siulersuisuni siulittaasutut aningaasarsiat ukiumut 120.000 kr.-it allannguuteqassanngitsut akuersissutigineqassasoq

Suliassamik saqqummiussineq

Aktieselskabinut kommunimit aquneqartunut piginnittutut aalajangiisinnaatitaaneq Aningaasaqarnermut Inuussutissarsionermullu Ataatsimiititamiippoq, tassunga ilanngullugu ingerlatsiviup innersuussaanic ingerlatseqatigiiffiit siulersuisuini ilaasortaannik toqqaasinnaatitaaneq.

Ulloq 22. marsi 2023 Nuuk Imeq A/S ataatsimeersuassaaq. Ataatsimeersuarnissaq sioqqullugu suliffeqarfimmut kiffartuussiviup matumani pingaarnersuilluni ukiup siuliani ingerlatseqatigiiffimmi suliat nassuiaatigai, ingerlatseqatigiiffimilu siulersuisuni siulittaasutut piukkussamik innersuussuteqarluni.

Ingerlatseqatigiiffiit 2022-mi suliaat pillugit nassuiaat

Ingerlatseqatigiiffiit 2022-mi angusaat naammaginartutut Ingerlatsivimmit nalilernerqarput. Nuuk Imeq-mit iluanaarutit tunniunneqartut 18,9 mio. koruunit miss. isertitaqarfigineqarput.

Ingerlatseqatigiiffimmi suliat annertunerusumik paasisaqarfiginiaraanni innersuussutigineqarpoq ilanngussaq 1 ” 2022-mut ukiumoortumik nalunaarusiaq Nuuk Imeq”, aamma ilanngussaq 2; ”2022-mut ukiumoortumik nalunaarusiamut immikkuualuttut, ukiumoortumik naatsorsuutit 37-ssaat”.

Siulersuisuni ilaasortanik toqqaasarneq

Kommunip ingerlatseqatigiiffiini siulersuisuni ilaasortat ukiumi ataatsimi ilaasortaasarput.

Ukiut tamaasa kommune ingerlatseqatigiiffiit siulersuisuisa piginnaasaannik najoqqutassianik saqqummiussisarpoq. Nuuk Imeq A/S-imi kommune ikinnerussuteqarluni aktiaateqarmat siulersuisut piginnaasaannut najoqqutassiamik suliaqartoqanngilaq. Kisianni ingerlatseqatigiiffimmi siulersuisuni siulittaasutut piukkussamik kommune innersuussuteqarpoq.

Ingerlatsivimmit aningaasatigut sulisoqarnikkullu naliliinerit

Ingerlatseqatigiiffiit 2022-mi angusaat naammaginartutut Ingerlatsivimmit nalilernerqarput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.



Inatsisitigut tunngavissaq allakkallu tunngaviusumik uppersaatillit

- Kommunit suliffeqarfinnik pigisaasa sanaartukkanillu pigisaasa ilaasa pisiarinerinut, qularnaveeqqusernerinut attartornerannulluunniit akuersisarneq pillugu Inatsisartut inatsisaat nr. 23, 28. november 2018-imeersoq

Ilangussat

1. Nuuk Imeq ukiumoortumik nalunaarusiaq 2022
2. 2022-mut ukiumoortumik nalunaarusiamut immikkuualuttut, ukiumoortumik naatsorsuutit 37-ssaat

IMMIKKOORTOQ 19: Oqaluuserisassanut tapiliusseq: Kommuneqarfik Sermersuumi piginnaatitsinermik atsiorsinnaatitaanernillu agguataarineq

Beslutning

Inassuteqaat akuersissutigineqarpoq.

Ilanngussat

Kommuneqarfik Sermersuumi Piginnaatitsinermik agguataarinissamut pilersaarut marsi 2023-meersoq



Kommuneqarfik Sermersuumi piginnaatitsinermik atsiorsinnaatitaanernillu agguataarineq

Piginnaatitsinermik agguataarinissamut atsiorsinnaatitaanermullu malittarisassanik nutarterineq

Aalajangiiffigisassaq

SagsID.: EMN-2023-01023

Suliffeqarfimmut Kiffartuussivik - Kommunaldirektøri Ole Jakobsen / OJAK

Inassuteqaat

Aningaasaqarnermut Inuussutissarsionermullu Ataatsimiititap Kommunalbestyelsimut inassuteqaatigaa:

- piginnaatitsinermik agguataarinissamut pilersaarut nutartigaq akuersissutigineqassasoq, matumani Kommuneqarfik Sermersuumi atsiorsinnaatitaanermut najoqqutassiaq nutartigaq ilanngullugu
- suliaq aalajangiiffigisassatut Kommunalbestyrelsimut ingerlateqqinneqassasoq

Suliassamik saqqummiussineq

Kommuneqarfik Sermersuumi Piginnaatitsinermik agguataarinermut pilersaarutit nutarterneqarnissaa pisariaqalersutut Suliffeqarfimmut Kiffartuussivimmup nalilerpaa.

Piginnaatitsinermik agguataarinissamut pilersaarummi takuneqarsinnaavoq, aalajangiisinaanermut piginnaatitsissutit Kommunalbestyrelsip, ataatsimiititap allaffeqarfiullu akornanni qanoq agguataarneqarsimanersut. Piginnaatitsinermik agguataarinissamut pilersaarummi ingerlatsivinni tamani qinikkanik sullissinerup assigiissarnissaata malinnaaffigilluarnissaa qulakkeerneqassaaq, aammalu suliani ataasiakkaani kikkut aalajangiinissamut piginnaatitaanerik nalornisoqarsinnaanera pinaveersaartinneqassalluni.

Piginnaatitsinermik agguataarinermut pilersaarut pisortat ingerlatsivinnilu ataasiakkaani aqutsisut oqaloqatigereerlugit, kiisalu ingerlatsivinni piginnaatitsinermik agguataarinissamik pilersaarut siornatigullu suliamik saqqummiussat aammalu Kommuneqarfik Sermersuumi Aqutsinermi lleqqoreqqusat naapertorlugit suliarineqarpoq.

Piginnaatitsinermik agguataarinissamut pilersaarut kingullermik nutarterneqarpoq 2022-mi februaarip qaammataani Kommunalbestyrelsip ataatsimiinnerani. Siunissami pisariaqartinneqalersillugu ukiup affakkaartumik misissuataarneqarlunilu nutarterneqartassaaq.

Allaffissornermi suleriaatsit sukaterneqarnissaa kissaatigineqarnikuuvoq, aammalu politikertit allaffeqarfiullu akornanni piginnaatitsinermi qaffasissutsip eqqortuunissaa qulakkeerneqassasoq. Taamaattumik piginnaatitsinermik agguataarinissamik pilersaarut ingerlatsivinni ataatsimiititanilu susassaqartuni suliarineqartarsimavoq. Piginnaatitsinermik agguataarinissamut pilersaarummut allannguutit ilanngussaq 1-imi takuneqarsinnaapput.

Tamatuma saniatigut allakkiaq *Atsiorsinnaatitaaneq* Piginnaatitsinermik agguataarinermut pilersaarummut ilanngullugu suliaavoq, taamaalilluni Kommuneqarfik Sermersuumi atsiorsinnaatitaanermut najoqqutassaq Piginnaatitaanermik agguataarinissamut pilersaarummi takuneqarsinnaassalluni, tassa immikkoornani.

Atsiorsinnaatitaanermut piginnaatitsinermik pilersaarummi nassuiaatigineqarpoq isumaqatigiissuteqarnermi atsiogatigiinnermilu kikkut atsiorsinnaatitaanersut. Atsiorsinnaatitaanermut piginnaatitsinermik pilersaarummi siunertarineqarpoq qulakkiissallugu,



isumaqatigiissutit atsioqatigiissutillu, aningaasatigut aamma/imaluunniit inatsisitigut kommunimi pituttorsimasut aaqqissuussinermi qaffasissutsimi eqqortumi aalajangiiffiqineqarsimanissaat isumaqatigiissuteqarfigisimanissaallu. Taamaalilluni allaffeqarfimmi paasilluarneqarniassamat, isumaqatigiissut atsioqatigiissullu qaqugukkut politikikkut suliarineqassanersoq, aammalu qaqugu aalajangiiffiqineqassanersoq taavalu pisortamit fagchefimillu atsiorneqassanersoq. Atsiorsinnaatitaanermut piginnaatitsinermik pilersaarut aamma Piginnaatitsinermik agguataarinermut pilersaarut ataatsimoortinneqartillugit paatsoortoqaratarnissaanik annikillisaataassaaq sumullu attuumassuteqarneq paasiuminarnerulissaaq.

Ingerlatsivimmit aningaasatigut sulisoqarnikkullu naliliinerit

Allaffeqarfimmut malittarisassat nutaat qulakkeertariaqarpaat kommunimi missingersuutit atuinerullu ammanerunissaat, peqatigitillugulu pilersinneqassalluni aningaasaqarnerup pitsaanerusumik malinnaaffiqineqarnissaa aqunneqarnissaalu - allaffissornikkut politikikkullu.

Suliffeqarfimmut Kiffartuussivimmit aningaasatigut naliliineq

Oqaaseqaateqartoqanngilaq.

Inatsisitigut tunngavissaq allakkallu tunngaviusumik uppernarsaatillit

- Kommunit aqunneqarnerat pillugu Inatsisartut inatsisaat nr. 29, 17. november 2017-meersoq
- Kommuneqarfik Sermersuumut piginnaatitsinermik agguataarinissamut pilersaarut

Ilanngussat

1. Kommuneqarfik Sermersuumi Piginnaatitsinermik agguataarinissamut pilersaarut marsi 2023-meersoq

IMMIKKOORTOQ 20: Oqaluuserisassanut tapiliusseq: Ukiumoortumik naatsorsuutit 2022 – kukkuniuissunut nassiussineq

Beslutning

Immikkoortoq 20 oqaluuserisassanit peerneqarpoq.

Ilanngussat

2022-mut naatsorsuutit, aningaasaliissutinit atuinerit nassuiaatillu ilanngullugit

Ukiumoortumik naatsorsuutit 2022 – kukkunersiuisunut nassiussineq

Aalajangiiffigisassaq

SagsID.: EMN-2022-07760

Suliffeqarfimmut Kiffartuussivik - vicekommunaldirektøri Marie Fleischer / MAFL

Inassuteqaat

Suliffeqarfimmut Kiffartuussivimmiit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- 2022-mi ukiumoortumik naatsorsuutit kukkunersiuisunut ingerlateqqinneqassasut akuersissutigineqassasoq
- suliaq aalajangiiffigisassatut Kommunalbestyrelsimut ingerlateqqinneqassasoq

Suliassamik saqqummiussineq

Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersoq naapertorlugu Aningaasaqarnermut Inuussutissarsiornermullu Ataatsimiititaq naatsorsuutit Kommunalborgbestyrelsimut saqqummiussisassaaq, tassangaanniillu ukiumoortumik naatsorsuutit kukkunersiuisunut ingerlateqqinneqassapput.

Tulliullugu kukkunersiuisut ukiumut naatsorsuutit misissuissapput oqaaseqaatiminnillu inerniliinerminnillu saqqummiussillutik. Taamaaliortoqareerpat inaarutaasumik 2022-mut naatsorsuutit suliarineqassapput, taakkualu kukkunersiuisut nalunaarusiaat ilanngullugu kommunimut ingerlateqqinneqassapput inaarutaasumik akuerisassanngorlugit.

Taamaattumik Suliffeqarfimmut Kiffartuussivimmit 2022-mut naatsorsuutit missingiut politikikkut suliassanngorlugu akuerisassanngorlugulu nassiunneqarpoq, kingornatigut kukkunersiuisunut nassiunneqarnissaa siunertaralugu.

Nalunaarusiaagallartoq maannakkut suliarineqarpoq, ataatsimiititamilu piffissami aggersumi politikikkut suliarineqarnissaanut saqqummiunneqassalluni. Naatsorsuutit kisitsisitaat suliamut tassunga tunngasut saqqummiunneqartut ukiumoortumik nalunaarusiami oqaaseqatigiussapput, taakkulu aamma kommunimi politikikkut ataatsimiititap aqutsisutut nalunaarusiaanik kiisalu ingerlatsinermit sanaartornermullu aningaasaliissutit atorineqarsimasut pillugit naatsorsuutit nassuiaatinik imaqqassapput.

Ingerlatsivimmit aningaasatigut sulisoqarnikkullu naliliinerit

2022-mi kisitsisit naapertorlugit takuneqarsinnaavoq katillugit 814 mio. koruuninik amigartooruteqartoq, nammineerlunilu aningaasaatit 1.116 mio. koruuniusut. 2022-p naanerani kommune 18,5 mio. kr.-nik karsimiittuuteqarpoq.

Ingerlatsinermit nalinginnaasumi kommune 467 mio. kr.-nink sinneqartooruteqarpoq, taavalu sanaartornermut tunngasuni angusat 1.281 mio. kr.-nik amigartooruteqarfiusut, taamaammallu katillugit 814 mio. kr.-it amigartoorutaapput.

Sanaartugassanut tunngasuni amigartoorujussuarnermut peqqutaavoq, 2022-mi kommunip sanaartugassanut aningaasartuutit aammalu 2022-mi aningaasartuutigineqavissut Sanaartornermut iluarsartuussinerimullu aningaasaateqarfimmut tamakkerlugit nuutinikkuummagit. Taamaattumik aningaasaliissutit taakkua sanaartornermut tunngasunut

aningsaasartuutitut allanneqarput, taannalu amigartoorujussuarnermik kinguneqartitsivoq, aningsaasaateqarfimmullu isertitatut allanneqarluni. Imaappoq, 2022-p naalernerani 1.098,6 mio. kr.-it aningsaasaateqarfimmi pigineqarput, tassaallutik 2022-mi tamakkiisumik sanaartugassanut aningsaasaliissutit, 2022-mi aningsaasartuutit katillugit 182,8 mio. kr.-it ilanngaatigalugit.

Aningsaasaateqarfimmi aningsaasanit pigineqartunit 1.030 mio. kr.-it Nuuk City Development-imit sanaartugassatut pilersaarutitik pisinissamut illuartitaapput.

Tassunga tunngatillugu naatsorsuutit kisitsisitaat ilanngussaq 1-imiittut aamma innersuussutigineqarput, tassaasut:

- Aningsaasaliissutinit atuneq 2022, ingerlatsineq
- Aningsaasaliissutinit atuneq 2022, sanaartoneq
- 2022-mut naatsorsuutitut nassuiaatit

Suliffeqarfimmut Kiffartuussivimmit aningsaatigut naliliineq

Aningsaasaqarnermut allatseqarfiup naatsorsuutit eqqortuusutut isigivai.

Taamaattumik naatsorsuutit Aningsaasaqarnermut Inuussutissarsiornermullu Ataatsimiititamut saqqummiunneqassasut innersuussutigineqarpoq aamma kukkunersiuusunullu nassiunneqarnissaat siunertaralugu Kommunalbestyrelsimut ingerlateqqinneqassasut.

Inatsisitigut tunngavissaq allakkallu tunngaviusumik uppersaatillit

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq

Ilanngussat

1. 2022-mut naatsorsuutit, aningsaasaliissutinit atunerit nassuiaatillu ilanngullugit

IMMIKKOORTOQ 21: Lukket

IMMIKKOORTOQ 22: Lukket

IMMIKKOORTOQ 23: Lukket

IMMIKKOORTOQ 24: Lukket

IMMIKKOORTOQ 25: Lukket

IMMIKKOORTOQ .: Tamalaat

Beslutning

IMMIKKOORTOQ .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 14.50.